

光緒江西通志

江西通志卷七十六

建置略四

壇廟四

撫州府

社稷壇在武安門外

謝志

先農壇在順化門外雍正四年知府任士理知縣董永

年建

謝志

神祇壇在順化門外

謝志

厲壇在進賢門外

謝志

關帝廟一在都司營後乾隆五十三年署知府邢璵知府汪如藻倡建咸豐六年燬於寇同治十年重修一在府城隍廟東嘉慶十八年知縣秦沆重修

府志

文昌廟一在府學崇聖祠後乾隆四十四年知府李嵩建一在縣學門外西偏嘉慶十五年知縣秦沆建道光

十年改建門內東偏

府志

城隍廟在治北明洪武三年知府李廷桂改建宏治十三年知府胡孝修置田供祀

國朝順治中推官李煥知府紀振邊推官韋弦佩先後捐

修

李來泰記撫州府城隍相傳祠漢穎陰侯灌嬰侯嘗以兵定豫章故神像至今赫然見光景降福威水旱

札

其請必響答爾帛登銅簋盥盥豆之數守必躬親以蒞其事明洪武中太守李公廷桂始創廟於治之北崇

祔

中太守蔡公邦俊加像六邑之神配於兩廊高為重

門

廟事必飭國初燬焉其時吏茲土者故事一修謁

而

已造司李念庵李公視府篆獨慨然以興復是任獨

資

庀材工垂成公適艱去海憲紀公初以進士由判史

末

教羣帷顧瞻戶不充郭哲廟之日拜於堂下恍然傷

之

告同官曰是非所以妥神而佑民也既宣德意而後

條

威惠治流封內悅服首修孔子廟登講有地乃新其

宮

俾還故規鳩俸之贏以帥羣吏復廟之租以豫百姓

率廢興舊民不告匱由是可以陪風雲雷雨山川國祚
之祀可以慰公私禱祈卜筮駁奔之願教民敬鬼而遠
罪尊君而親上公之治化滔滔焉弗難矣夫城隍之祀
盛於宋元而實屢見於唐高齊蕭梁吳之赤烏往往載
於文字然以余攷之魯頌泮水閟宮諸侯之重事也而
春秋策書惟有余攷之魯頌泮水閟宮諸侯之重事也而
非古哉撫故瘠土重以丁亥戊子之開荒扶病瘠瘵
未愈城之僅存繫師帥牧尹之力爾傳曰率民以祀神
又曰先成民而後致力於神公之來也無侈觀遊無燕
臺榭金瓶之享不築浴雲之池不墜倡其僚屬其為保
障惟不恪於神以貽民災是權公之幸也我民者厚矣
爾時廣庭章公來任司李即捐貲共勸厥美而廟貌中
新信乎其皆知所重也哉廟建於順治三年咸豐六年
年丙申四月成於十七年庚子仲秋是為記

燬同治八年重建謝志府志

臨川縣城隍廟在燬山之陽舊在順化門外宋天聖五
年建

國朝康熙十八年改建今所嘉慶十一年知縣秦沆捐修

咸豐六年燬九年修復謝志府志

火神廟在港東廂舊附都司營後嘉慶二十二年知縣

秦沆改建

府志

龍神廟在武當閣左雍正六年建嘉慶二十年知縣秦

沆修咸豐間燬重修

府志

旗纛廟在都司署內

府志

東嶽廟在天慶峯西北宋崇甯五年建

舊志在府治子城東南

國朝咸豐六年燬同治五年修復

縣志

三皇廟在治東祀伏羲神農黃帝今廢

謝志府志

堯山廟在西境祀堯舜禹

謝志

競渡廟在江口祀楚三閭大夫屈原

謝志

王太保祠在孝義寺左南唐時建祀晉太保王祥後祀

明同知趙瑞卽故址重建今廢立像孝義寺

謝志縣志

靈谷王廟在靈谷山祀宋內史謝靈運縣志

汾陽廟在北鄉李家渡祀唐郭子儀縣志

博陂廟在治西南五十里祀唐南豐令游茂洪縣志

二忠祠在西津即舊張睢陽廟明重修後水圯

國朝嘉慶二十四年知縣秦沆重修因顏魯公祠久廢並

祀於此易今名邑人陳光芬捐田供祀謝志

忠孝祠在府治右宋紹興中州守張滉建祀王太保顏

魯公名忠孝堂洎祐中提舉鄭逢辰又特建於學東有

御書堂額今廢謝志

顏魯公祠舊在郡圃宋至和二年州守聶厚載建會志

司徒魯郡顏公諱真卿事唐為太子太師與其從父兄
果卿皆有大節以死至今雖小夫婦人皆知公之為烈
也初公以忤楊國忠斥為平原太守策安祿山必反為
之備祿山既舉兵公與常山太守杲卿扼其後賊之不

能直窺潼關以公與吳卿撓其勢也在肅宗時數正言
宰相不悅斥去之又為御史唐問所捕輒斥李輔國遭
太上皇居西宮公首率百官請問起居又輒斥代宗時
與元載爭論是非載欲有所壅蔽公極論之又輒斥楊
炎盧杞既相德宗益惡公有所為連斥之猶不滿意李希
烈陷汝州杞即以為公使希烈希烈初慚其言後卒縊公
以死是時公年七十有七矣天寶之際久不見兵祿山
既反天下莫不震動公獨以區區平原遂折其鋒四方
聞之爭奮而起唐卒以旅者公為之倡也當公之開上
門同日歸公者十七郡得兵二十餘萬繇此觀之苟順
且誠天下從之矣自此至公歿垂三十年小人繼續任
政天下日入於弊大盜繼起天子輒出避之唐之在朝
臣多畏怯觀望能居其間一忤於世失所而不自悔者
寡矣至於再三忤於世失所而不自悔者蓋未有也若
至於起且仆以至於七入遂死而不自悔者則天下一
人而已若公是也公之學問文章往往雜於神仙浮圖
之說不皆合於理及其奮然自立能至於此者蓋天性
然也故公之能處其死不足以為觀公之大何則及至
勢窮義有不得不死雖中人可勉焉況公之自信也歟
維歷忤大奸顛跌撼頓至於七八而終始不以死生禍
福為秋毫顧慮非篤於道者不能如此此足以觀公之
大也夫世之治亂不同而士之去就亦異若伯夷之清
伊尹之任孔子之時彼各有義夫既自比於古之任者
矣乃欲瞻顧回隱以市於世其可乎故孔子惡鄙夫不

可以事君而多殺身以成仁者若公非孔子所謂仁者歟今天子至和三年尚書都官郎中知撫州聶君厚載尚書屯田員外郎通判撫州林君慥相與慕公之烈以公之嘗為此邦也遂為堂而祠之既成二君過余之家而告之曰願有述夫公之赫赫不可蓋者固不繫於祠之有無而人之嚮往之不足者非祠則無以致其志也聞其烈足以感人況拜其祠而親炙之者豈今明縣之政非法令所及者世不復議二君獨能追公之節尊而祠之以風示當世為法令之紹興開州守張滉徙祠郡所不及是可謂有志者也

治洹熙開州守趙燭新之

張拭記唐魯鄆顏公在大恩中嘗為撫州刺史宋至和二年

年知州事聶侯厚載始立公祠於郡之圖南豐曾公為之記而其地狹隘歲久字且敝壞紹興十二年楓之伯父滉為守即圖之地相其高阜而徙焉比三十年復以頽廢廢之二年今趙侯某實來考覲嘆息因其基而一新之以洹熙三年正月辛酉落成廟貌儼如升降俯仰不迫不隨使來請記拭惟念公之大節始終凜然是以風勵後之為人臣者其所當葺廟食是宜趙侯之舉知政所本當有文字登載金石惟是南豐曾公之文於公行事論述為詳學者之所誦習故拭不復贅於言獨推本君臣之義而題之以詩俾時節俯饗亦庶幾公之志云其詞曰於皇大倫首曰君臣惟天所敘而教乎人忠貫無隱義甯偷生敢有或踰索我常經粵惟斯人林

林而羣匪斯之網孰條其勢允毅顏公千載之特是篤
是明始終無忒方在平原獨嬰賊鋒糾厥義旅孰不悅
從洎登王朝割言厯陳治忽攸聞政筮於音彼奸吻側
三片在外不折肱堅之死靡悔汝州之使人論厥指公
曰君命予奚可避凜然其辭豺狼所憚云何其行終以
不反身雖可隕義則不磨用雖不究益則已多立懦激
頑于訓于式翼彼大倫詔於罔極惟是臨川公所背臨
焄蒿悽愴英烈尤存有嚴其宮於今幾秋圯傾蕪荒新
自今侯嗟爾秉彝豈惟思之無或泚之擷芳於豆酌清於
好德相爾乘彝豈惟思之無或泚之擷芳於豆酌清於
危祈侑烝嘗 後圯并祀名宦 謝志

危刺史祠在縣治祀唐危全諷後廢 謝志

王文公祠在府東鹽步嶺宋崇甯五年州守田登建祀

王安石瀋熙中州守錢象祖新之元至順初祠圯吳澄

言於監部塿布 原作 台重加繕治 謝志 虞集記至順

州路總管府達魯花赤塔下台始至郡時守以下官多
闕侯乃以民事為己任先事而憂惻怛周至平易之政
人甚宜之雨陽稍愆若致自己且備且祈得不為苗歲
豐時和郡邑安靜則求其所當為者而盡心焉明年故

翰林學士吳公澄就養郡中過故宋丞相荆國王文公之舊祠見其頽圯而嘆焉侯聞之曰是吾責也乃出俸錢命郡吏董某譚某儒學直學饒約揭車使經營焉樂安縣達魯花赤前進士雙理溥化興國路經臨川縣尉張雱與郡士之有餘力者各以私錢來助經始於某年月日以某年月日告成侯介予從子宣傳其事於石按郡志宋崇甯四年郡守田登爲堂於守居之側肖公像而祠之記公故宅在城東偏臨步嶺有祠而象山陸公九淵爲之記公故宅在城東偏臨步嶺有祠而象山陸公新之則侯用吳公之言也郡人危素將重刻公文集而吳公爲之序既而吳公之言也郡人危素將重刻公文集人之言曰周公沒天下無善治者以徵文於予也嗚呼昔立法度以堯舜其君民而後得君以行其志則未有如公者也陸吳二子之言既足以極公志之所存今昔不足於公者又有以盡破其偏私之蔽而世俗口耳相承謂千載之定論矣然則今侯雖公復生亦將撫然於斯哉世之從政果如陸子所謂出乎新公祠豈直爲觀美也哉矣而波頽風靡之中求如公之所謂因循所謂流俗而廉恥道喪士習愈下表而章之使人士拜公之祠瞻公之相誦公之文考公之行以求公之志而有所感發焉則貪者可以廉懦者可以立矣其於人心風俗豈小補哉若夫其所以爲學者陸吳之言備矣學者尙有考焉

曾文定祠在順化門外祀宋曾鞏謝志元虞集記君

王之制有所不得為則推其法意之所得為而為之此

聖賢所以無不可行之時也昔者諸侯之國其昆弟子

孫得只公族為大夫為士有田有祿以養之國有宗廟

世守其祭祀百世之孫祭於大宗五世之子孫祭於

小宗而祖考之神靈蓋有所歸矣後世貴為公卿而無

國邑惠澤無以徧及其族人君子原本而充類盡然傷

其心是以有置義田以待後人之氣婚喪祭者矣宗廟

不立祭享無所君子思賢賢尊尊親親之道而不得有

所為焉於其賢者則緣夫尸而祝之於社之義而致其

意則亦庶幾而已南豐曾氏自魯國公而有六子其顯者

三人友定公子固最賢子開之文如其兄而子宣最貴

子固之學在孟氏既沒下五百年之文如後求聖賢之遺言

帝王之成法於六經之中沛然而有餘淵然而莫測赫

然為時儒宗其文章深追古作君子猶以爲特公之一

事云耳魯公沒時公弱冠未仕也家甚貧嫁孤妹九人

必得其所奉母夫人至孝老死不衰蓋其根於天性者

純明得於經學者深至所以行其道者眾人固不識也

是以官爵不過於郡守奉人無踰於常僚然猶悉其貲

力置義田於臨川郡城之後湖與屬邑金谿之南原立

為規約以惠利其族垂三百年矣此所謂能行其法意

於可為者乎不然何其能久也今其族孫元翺以其父

正子之遺命作公祠堂於後湖之上使其族之人食焉

而思其本居焉而敬其身則公之遺意雖去之百世而
烏有終窮者哉嗚呼公之至元羽八世矣於廟則已遠
於社則已疏卽其所遺田而祠之使羣情之渙者有所
萃也不亦可乎元統癸酉祠堂成適予自京師歸臨川
來求文以爲記故爲書此俾附諸義田規約之後而刻諸祠下云

三陸祠在府學西宋嘉定閒建祀陸九韶九淵九齡酒

祐閒州守葉夢得新之謝志而有三先生焉莘在正學名天下

川陸氏兄弟者可謂絕無而僅有與梭山寬和凝重復
齋深沈周謹象山光明俊偉其資同皆近道矣梭山篤
信聖經言行家法具有典刑雖服先儒之訓而理有不
可於心者決不苟徇惜其終於獨善而不及見諸行事
爾復齋少有大志沿博無涯淡觀書無滯礙繙閱百家
晝夜不倦自爲士時已有稱其得子思孟某之旨者其
後入太學一時知名士咸師尊之惜其僅可見者輔成
家道之修整備禦胡寇之侵軼爲學錄教官紀綱肅而
蠹弊悉革誠意孚而人心興起然其爲海內儒宗道德
係天下之望恨未得施其一二爾若夫象山先生之言
論風旨發揮施設則有多於二兄者蓋自其幼時已知
成人能定能靜實自天出不待勉強故其知若生知行
若安行粹然純儒也蓋學之正而片他者以其實而非
虛也故先生嘗曰宇宙閒自有實理此理苟明則自有

實行有實事實行之人所謂不言而信又曰平生學問
惟有一實一實則萬虛皆碎夫道不虛行若大路然苟
得實地而履之則起自足下之聖聖而不可達千萬里之遠自
可欲之善至於大而化之之聖聖而不可知之神此孟
子之實學可漸積而漸至者故先生嘗曰孟氏之後至
是始一明四方聞其風來學者輻輳先生明於人凡
所剖決必洞見其肺肝所箴砭必的其中其膏育以是隨
所發明類有感動覺其良心而知其正性者為多然則
其學真可質鬼神而無疑俟聖人而志僅見於奏對下而
道明而未得盛行爾上而致君之志無窮使假以年聖域
澤民之意竊見於荆門其未用者無窮使假以年聖域
固其所優入而過化存神上下天地同流之功亦其
所優為也就謂其年僅止知命哉梭山諱九韶字子美
復齋諱九齡字子書諱文達象山諱九淵字子靜諱文
安郡學舊有祠未祠也今郡守國史秘書葉公夢得下
車之初慨然曰非所以嚴事也乃命郡博士趙與輓相
與謀之旋得隙地於學之西遂即肇造祠廟三間翼以
兩廡前為一堂外為舍又外為書樓下列四齋橫開
方池池外有竹竹間結亭內外畢備祠貌甚嚴前所
未有也左值以袁公燮次值以外畢備祠貌甚嚴前所
庠庠之季秋至仲冬而落成厥後祀斯祠登斯堂者如
親侍三先生焉其不躍然有興乎由及門而升堂入室
其不有等第而進者乎公以恢之先君親師先生必嘗
有問以記下屬辭之不得乃冒犯僭越而述所知者如

此亦或庶幾可以考其淵源之大略與

三賢祠在縣學左祀宋令劉彌正黃幹主簿京鏜

謝志

黃勉齋祠在舊縣學西宋令李義山建祀前令黃幹

黃義

明記聖人之道具於人心而散見於日用常行之間儒者相繼闡明以扶植斯世去聖逾遠學術分裂異端之教興焉而老氏指竊冥昏默以爲道佛氏認靈明知覺以爲性高明之士往往體認之不精植立之不强發揮之所謂學問之士亦往體認之賢之學爲無用之器焉呼不有真見實踐之士隨試輒效亦孰知吾道之有實用邪勉齋先生實踐之文肅公嘗宰臨川距今三十餘載士民猶懷思而樂道之果何施而得斯於人哉子朱子接孔孟周程之正統遊其門者眾矣而志堅思苦吾道有託獨以許先生蓋嘗聞先生之始從文公學也夜不就枕倦則隱几少寐而已知心爲活物不可以縱肆緩慢求也則於丹書敬勝意之知洪範恭作肅之言中庸戒懼之規孟子操存之訓深致意焉謂學問無窮不可以輕躁浮淺得也則自身心性情之德人倫日用之常以至天地盈虛消息之機古今興亡成敗之故悉致察焉斂神淵泉細入於毫芒探索猶恐其未精也迨夫真積力久

雖空乏拂亂交至乎其前而動心忍性曾無幾微出於
顏面望之使人意消不待考其行而知其爲君子人也
此豈規規文字言語以爲學者哉故其爲政遵守法度
而無世儒牽制之病通達事變而無俗吏簡便之私臨
川戊辰己巳間歲大侵趨利者爭洩米於下流先生多
方以過之先是府有女巫出入宮禁魏壇觀道姬善交結
挾之以輕臺府先生破其簧鼓之姦竟莫能撓嘗曰
邑民猶難繩也令其母也破其簧鼓之姦竟莫能撓嘗曰
則張翅以聲之愛人切如此宜乎剛毅果敢不屈於
權勢之所臨哀矜惻怛常及於匹夫匹婦之無告者獄
犴繫囚吏率視貨爲輕重先生不時往視人得自言無
有冤濫躬行阡陌不憚寒暑陳義懇懇不倦道義之交多聞識
感泣政事少暇開詢不徒以通下情抑亦爲進德地也始至
視事以雞鳴而夜乃息人謂暫焉而已終三年如一日
始歎服焉仁明暢而訟獄稀信令孚而催科辦一邑之
事處之沛然臺府驪詠之疑與有所憚而不取決者一
以委之凡所割裁犁然當乎人心聲望益著名公交薦
至有未會識面者厥後守漢陽守安慶四方想望風采
爲幸雖知其賢且才實學竟不盡展豐城李君義山諱采
先生之言而悅之來尹茲邑是則足徵劉琨植園精采
煥然既新夫子廟乃闢室西序像先生而祠焉夫盛德
之好秉彝所同矧於邑人遺愛猶在奉之以示儀刑教
化之先務也令尹以義明於先生親炙日久俾爲之記

後之學於斯長於斯者能自得師焉是又
令尹拳拳之意也
瀋祐初元七月既望記

國朝嘉慶二十四年知縣秦沆倡捐重建今廢
謝志

狄知軍祠在景德寺內祀宋知州軍事狄明遠今廢
縣志

宋謝過生祠記撫於江西為富州其田多上腴有陳
池川澤之利民飽稻魚樂業而易治歲比不登道殣者
眾破費鬻田宅者十室而七八持妻子取庸直者十室
而三四其輕俠少年無不椎埋掘冢白晝劫入於市浸
以不治開太守狄公進其民皆疲瘵餓殍之餘公喟然歎
曰民敝如此其可以苛急治邪於是繫獄者薄其刑負
租賦者緩其期其為政寬而不弛其出教條簡而易遵
三年而有成公歲滿且代去州父老相與謀立生祠以
慰其思皆應曰然他日又相與謀曰祠易為也將請於
公立於州之便坐則出入有禁不得朝夕拜祠下欲使
其出人且奉嚴潔宜莫如僧舍州之僧舍數十其屋宇
靜深莫如景德禪院於是富者出財技巧者出力不日
而告成奠如景德禪院來請於余願有記夫沒而犧尊太牢
不如生而卮酒一肉也沒而廟食百世不如生而一朝
奉嘗也公之旌麾未去民已圖其像而祠之可以為公
榮然此邦之人思公無窮公去而羽儀於天朝豈能忘
情於此邦哉幸公之異日持節再來其德意之厚政事

之美雖不敏尚能為邦人頌之公江陵人唐宰相
梁公之苗裔家以儒術吏事顯公能世其家者也

歐陽修撰祠在府學內宋知州軍事李庚繪象以祀歐

陽澈縣志李庚祝文惟公身處草茅心馳魏闕靖康

宰才達末議竟以賈憎資志以殞人咸痛之太上皇惜

其不幸於是通曆美職以詰命之而錫之土田官其

子孫公雖云亡何其榮也某假守臨汝乃繪公於學宮

以奉精忠以贊英風以風後世以勸來者拜瞻遺像凜
焉如生矧有遺文號曰灝然拱手讀

之想其表裏肅將非儀展我心敬

密都統廟在龍馬坪宋咸淳末建明學使周相復建久

廢縣志周相記密都統廟者宋咸淳末建原額思勇

廟云都統廬州人起閩門宣贊舍人統兵鎮撫州咸淳

十年元張榮實召師變寇撫州都統率眾禦之及賊至

進賢縣西賊盛氣呼曰降者乎關者乎都統怒厲聲罵
曰關者也狗鼠焉敢與我鬪連戰數十合殺傷相當賊大
賊辟易十數里至龍馬坪連戰數十合殺傷相當賊大
益兵繼圍之數重矢石如雨都統令其部曰今日是我
輩死日戰或得生部各勉之部悲憤皆殊死戰自晨至
是都統面中數矢拔之又戰血流被面呼聲震天身又

被四矢三槍眾多鬪死無一人降僅餘數十人都統豎
雙刀令眾曰視吾雙刀突圍眾曰諾都統斃雙刀如鴛
電賦兵將目不得瞬觸刀鋒碎額斷項鬪肩裂臂飛血
直灑道都統先其數十人突既得出徐殿之南走渡橋
板陷被執賊雄其勇昇之歸見其帥宋都解解咄曰北
土相慰欲降之不屈繫之月餘終不屈官罵萬石為賣
國賊使我志不得信萬石黃姓江西制置使陰通呂帥
夔自洪退屯撫致洪撫俱沒一日都解命帥夔到巢坐
城樓引佑樓下以金符遺之誘以官都統不為動語益
不遂槃令佑子說之曰父死子安之佑北曰汝行乞於
市第云密都統子誰不憐汝也怡然解衣請刑遂死觀
者盡泣下嗟乎烈哉龍馬坪鄉人壯其節相與歸葬其
尸封樹其墓立廟祀之相沿三百餘年鄉人於水旱疾
疫必禱禱必應歲時伏臘必祭祭皆欣欣如子孫之於
祖父然觀其風者不能為請於朝載人祀典春秋遣官
已為大失何近年以燬淫祠去之嗟乎伊誰為之無人
心一至此哉余觀風亦二年髦昏不知侍郎曾前溪舊
居龍馬坪為余言之且言廟燬墓將犁為田余謝前溪
撤有司廟之墓封樹之碑之誌之銘之使千秋萬歲祀之

五賢祠在縣學後街舊在順化門外祀象山草廬康齋

三人

明湛若水記撫州三賢祠者太守曾君茂檀所創
也經始於是歲閏月之朔凡九閱月而告成祠為

堂室者三而爲大門者一示異人而同趨也撫之士人
咸欣欣以樂觀厥成太守仲來請紀其事且以詔撫
之人士焉甘泉子曰予何言哉在言乎哉在諸君諸士
之心已爾夫聖人之學心學也記曰人者天地之心此
知道之言也何以謂人爲天地之心性惟是一心一地
之氣氣之精靈者即謂人心爲天地之生理即性是一
非有別心別性故天地人物之氣之心性一也如彼
脂燈之火石中之火水中之火之氣大者如日月之光
非有別光也乃其精靈者不能不生心不能不生性
也故天地不能不生人不能不生心不能不生性
或問道可傳乎白沙先生曰可自得不可傳張子曰知
死然而不亡者可與語性其幾矣私不能舉以與人無
譚然大家一物不能分以自私不能舉以與人無
異無有彼此不待竟而存不隨桀而亡何傳之云所有
傳者法爾開心知見之法爾開其蔽而亡何傳之云
州太守存心政教既行鄉約爰祠三賢此心也巡撫
公巡按李公沈公皆可之此心也督學蘇公可之此心
也其僚協贊之此心也人土樂觀之同此心也撫之
賢陸象山吳草廬吳康齋之士樂觀之同此心也撫之
大者深明宇宙性分之一契道體矣契此心也造神妙
生博通羣經猶云可使不識一字之凡夫立造神妙
幾微矣明此心也康齋先生收斂沈潛過而自訟敬勿
忘勿助之幾見鳥飛魚躍之學直詣高遠似曾點草廬
賢之學安所似曰象山魚躍之學直詣高遠似曾點草廬

學測識超脫似子貢康齋之學確實謹嚴似曾子故一
峯羅子曰康齋而有白沙功豈小哉曾點子貢曾子象
山草廬康齋白沙諸賢同此天地之心也不能外天地
之氣之性也故曰一也何有同異何有彼此人所造淺
深異爾曰道莫大乎出處敢問三賢之出處安所似曰
象山之出處似柳下惠不卑小官必以其道草廬之出
處似伊尹故治亂皆進五就湯桀康齋之出處似伯夷
故不屑就己望望然去之然而易地皆然矣夫三賢皆
天地之心也皆為天地立心者及四方學士商焉後
說以復太守記於石以與是邦及四方學士商焉後

增祀吳疏山陳明水為五賢祠萬厯中知縣劉允昌重

修去鄉元標記臨汝書院創自清祐戊申常平使者馮公

修去鄉元標記臨汝書院創自清祐戊申常平使者馮公

修去鄉元標記臨汝書院創自清祐戊申常平使者馮公

修去鄉元標記臨汝書院創自清祐戊申常平使者馮公

修去鄉元標記臨汝書院創自清祐戊申常平使者馮公

修去鄉元標記臨汝書院創自清祐戊申常平使者馮公

者崇祀允宜願吾郡代不乏賢以諸生睹記則有故儀

部陳公九川初以諫南巡杖而謫既起復以誣逮戍大
節御史始終無愧則又有故少司寇吳公梯為名令為
名御史清風凜凜初終一心總其學範可步二吳仰溯陸
子雖精粗淺深不同其為火傳一而己矣夫二司吳先生
譬之射然射有的一祠其圃也望二吳持弓矢審固者並
望先生一趨陳吳二先生則又望二吳持弓矢審固者並
其言復以問於後世步而後趨而趨侯議而幸甚到侯然
事侯乃命諸生激史及兩使君復趨侯議而幸甚到侯然
天下猶元氣在人身一毫壁等來微記余惟斯道在
以爲人諸先生吾道之元氣也作之前者慥慥氣樹標
之後者文質彬彬繩道本諸身必質諸鬼神無疑最難
的者遠矣蓋論斯道本諸身必質諸鬼神無疑最難
言自信其心而後能信天下人之心能信鬼神無疑最難
而後能信其心而後能信天下人之心能信鬼神無疑最難
疑即已且不自信而矧曰人及一世且不可矧曰異世今
諸先生上觀察郡邑守相與氏邇道大夫下至里巷無
遺議必無疑也可知雖然子與氏邇道大夫下至里巷無
見知問知寥寥不數人蓋其慎也語云千里得一儒林立
比肩然先生從淡從困衡百里折來蓋淡為德基而用則
大都諸先生從淡從困衡百里折來蓋淡為德基而用則
德之辨者世僅有入聞吾道而悅進仁和人紛華瑣志者
乎則有諸先生芳規在翁公名汝進仁和人紛華瑣志者

昌桐城人

國朝康熙四十一年知府張伯琮移此今亦廢

謝志縣志

遺愛祠在治北祀唐令元子哲原作子哲誤宋蘇緘孫實范

應銓明時季照李祥六人知縣葉天爵建

謝志

陳都御史祠在府城隍廟東祀明總制陳金

謝志張昇生祠

記生祠出於人心感愛之不已在古亦不多見如石慶相齊邦人慕其行樂布守燕燕人服其廉餘如王堂之平盜張詠之安蜀是皆有以孚民而莫忘也吾江右屬邵故民生而祠之欲其常接於目而莫忘也其東鄉如長撫州偏在東南為大郡生齒繁而地勢坦其東鄉如開富室取粟無忌白晝橫行莫之能當其而操刃殺人雖川兵亦莫可遏久之嘯聚山林時出劫掠均破處空邨奔避不遑積骸成邱流血成川乃至鄰邦均破其患劫貲財焚毀宅舍淫污殺剝無有紀極慘毒莫可勝言有司捕之往往失利江右監司以聞上座宵旰之憂詔廷臣議之命舉南京江部尚書應城陳公起之於家加都察院左都御史總制江南軍務直隸開粵湖浙悉屬制之公不敢以私辭星馳至江右問撫州東鄉寇

尤橫甚遂先之請調廣西土兵數萬以監司輩皆分
官也委副總兵張君勇統土官分領土兵各協心奮
贊襄廟勝之策於正德七年二月二十四日駐節撫
班師僅四旬有二日地無伍各奮勇進剿至四月初
入擒斬賊首從約計一萬二千三百有餘生擒六百
十有八俘寇馬四百五十匹奪回被掠男婦六十三
械畜產無算夷蕩為平陸人獲往來無間餘招復業
五百餘家乃擇要會改長林市為縣以安餘民於是
民安行者順往來者絡繹耕者益力以致稻黍者益
居者安行者順往來者絡繹耕者益力以致稻黍者益
眾以通貨旅者任時以出入遇者隨意以行藏變呻
之聲為笑歌變奔馳之勞為安逸變殺戮之慘為戲
天若廓而愈清地若鎗而益平百姓俱曰昔者何時
者何時安備之工非總制之功而誰功僕輩朝夕得
自由輒祝曰願公位益高往還得以自適輒祝曰願
壽滿劫於是相與語曰茲特口祝耳曷若協力建祠
公像於中壽公功於無窮俾民瞻視耳曷若協力建
祠也公撫除寇凶非捍大患歟禮合報祀相率詣郡
於常熟陳侯言爰擇城隍廟隙地建祠一區正堂三
塑像於中兩廡各六間外總以時稽事大熟穀價甚
驛羅於門內外蔚然直竦於時稽事大熟穀價甚賤

姓山醜新醜攜以登堂拜謁仰瞻公像儼然當時臨戎
氣概莫不欣并與思自是思之無數愈久愈有生氣陳
侯述民精走使以屬予言予謂有功而祝禮之最重者
也周公嘗曰記功宗以功作元祀王命南周公亦曰明
禮又曰休否是蓋以事神之禮事公也後世生祠之意
其權輿於此歟然而出於民舉尤難也公名金字汝礪
自壬辰進士累歷至
今官湖廣應城人

尚賢祠在興魯書院右祀王羲之謝靈運顏真卿曾鞏

附邑人李紱乾隆四十九年知府陳朗建後增祀知府

范廷楷劉永錫朱展

縣志

昭忠祠在城隍廟東偏嘉慶八年六邑公建祀撫郡官

吏將士殉節川湖者十九人

縣志

節孝祠在東大街

謝志

以臨川

崇仁縣社稷壇在縣西普安寺右

國朝雍正十一年修

謝志

先農壇在西關外雍正四年建

謝志

神祇壇在縣西雍正十一年修

謝志

厲壇在北城朝天門外

舊作在北門內

明洪武二年建

縣志

關帝廟在縣治旁道光閒知縣趙仁基萬宗洛先後勸

捐增修咸豐六年及城隍龍神火神四廟燬於寇十一

年知縣沈曦一律重建

謝志

文昌廟在學宮左

縣志

城隍廟在縣北

謝志

火神廟在城隍廟右

縣志

龍神廟在城隍廟左

縣志

江東廟在縣東耆原祀秦石固

謝志

尚書廟卽樂巴祠在巴山

謝志

元虞集記崇仁縣治南望七十里有山焉廣大高

厚疑然其前其巖峻而並銳能出雲雨蓄神明凡水旱
災害之禱無不通焉蓋邑之望而吏民之所依也謂之
巴山相傳東漢樂巴字叔元魏郡內黃人而神仙傳云
蜀成都人史稱巴好道順帝時給事中常侍交擢拜郎中
性質直學覽經典雖在中禁帝不與中常侍交擢拜郎中
遷桂陽太守用李固薦拜議郎守光祿大夫與杜喬周
舉等八人巡行州郡邑使徐州還豫章太守郡多山
川鬼怪細民嘗破貨產以祈禱巴素有道術役鬼神乃
悉毀壞旁祀剪理姦巫於是妖異自消百姓始頗為懼
終皆安之是時方分豫章郡東地置臨汝縣則今撫州
之境也相傳以爲巴治妖民嘗至此故民開思之不忘
以巴之名茲山云其後嘗置巴山郡在縣西南四十
里遺蹟猶有可考而縣西門曰巴陵門巴山至縣所從
入也則山果以巴得名久矣巴後遷沛相徵拜尚書順
帝之葬有司多毀民冢久矣巴後遷沛相徵拜尚書順
餘年用寶武陳蕃薦徵拜議郎書武下廷尉自殺而相傳
昌太守辭病不行上書理蕃武冤教偕寺而山嶺並祠
巴有墓在山下而立祠焉今爲廣教偕寺而山嶺並祠
南昌尉梅子真與叔元而唐鄧葉二道士配之蓋出近
世云故宋紹興二十六年有宣教郎知縣事鄭圖孫懋
爲令以告民曰周人以諱事神而名不以山川名山曰
巴濯民久以爲未安也洞庭有山以洞庭君之所居而
謂之君山樂君自豫章爲沛相獨不可謂之相山乎乃
酌酒以告神而神悅暴之於民而民從遂更名相山咸

清元年縣寓公朝奉大夫知邵武軍事師得遇等言於
朝曰縣有漢光祿大夫樂豫章之神祠墓存焉其神明
在史冊守郡有功立朝有節訟陳寶之冤竟以身殉風
節凜然可以謂之神明者矣吏民禱祈必應而淫巫瞽
史名稱鄧野非教民事神之道按祀典崇甯三年賜東
明縣柏梁橋樂巴廟曰顯應廟大觀四年封巴為沖惠
侯顯應廟矣其山巔之祠與梅子真同命得賜妙濟靈
純真人之號者則用道家之言也榮君生時靈異甚著
人來殆不勝紀而斯邑之民有求輒應有禱輒應千百年
以來殆不勝紀而斯邑之民有求輒應有禱輒應千百年
月且迎神至縣治大雨連夜後三十四年其早尤甚苗
有未人上者民甚惶懼承直郎達魯花赤郭城保童道
其為蒞仕佐郎舒文炎疾馳詣廟迎神像至縣以禱保
童率其屬奉迎於西郊視史未及成禮而沛澤旁茫衣保
冠盡澤隨至邑治雨連三日夜乃止四境以霑足告既
而五月又雨旬日之間雲雨並興四郊在望者或十里或
數十里或百里或一日或二日或一時隨地而足稽諸
旁近最為沾渥焉是時保童悉力禱祈以為已任齋戒
兼旬而雨不閉嚴屠宰之禁厲不虔之俗家有疾苦而不
預身受勞苦而不辭忠翊校尉尉縣丞緒山張榮與簿及
典史實協心焉必得雨而後止為吏者其憂民如此其
必有以鑒其誠者乎乃序其事而傳之為迎享神祠曰
有敦維崇其阻九陵時翕時舒與雲俱興降邱作神朱

統赤舄尚昔邦君司命司直自古在昔於我故懷我識
其來嘗與雨偕公宇斯穹私宇斯深神君格思無怒伊
悅高山峻嚴孚與禴禴惟神不違俯依我人我人何有
有尊有俎黍稷既臯酒醴維醑醑俾燕喜千載在斯不醉
來碩飲乃神之精神昔生為嘉為壽為棟為楹為美為
無起乃大乃神碩產乃生為嘉為壽為棟為楹為美為
英寶藏與殖無有遠邇來被來澤仰其虛矣穹窿休有
就其與矣流動滿盈時有序代神不可極曾孫孫子有
教祀無

相山四仙祠在治南祀梅藥鄧葉四仙謝志元吳澄

高峙者其氣盛其氣盛則其神靈大而五嶽次而五鎮
下而一郡一邑苟有挺拔聳起之山為一方之望往往
靈異而禱祈者趨焉古禮惟諸侯得祭境內名山今庶
人以上俱有禱祈然其所託必曰仙其所謂仙非必御風乘
雲飛行太空中之或其所託必曰仙其所謂仙非必御風乘
之矣撫州之西南其縣曰崇仁崇仁之南六十里其山
曰相山所祠之人曰梅曰藥曰鄧曰葉謂之四仙考之
史傳梅尉南昌樂守豫章山在所治境內鄧葉皆唐間
元天寶間道上方技之流也山初名巴唐時號臨川山
而俗稱不改其舊巴乃樂仙名也僉曰宜避而藥嘗為
沛相故易名相山云山巖有祠屋其地高寒雷風之迅

烈雲霧之淫潤冰雪之凝沍木石不能堪易於朽腐摧
 裂屋雖頻修而不久復敝住山道士黃守正積聚材木
 未及營造而去泰定丙寅六月黃本初來貳其職增益
 所儲之材七月己未構新屋十有八楹從之深四尋橫
 之廣如其深而羨一尺適上清孫慶衍被旨長是山送
 底完美本初來言曰仙祠一上新黃師肇其始孫師成其
 終本初獲效微勤相其役願刻石記歲月以為後之拜
 治者勸予觀宋咸清之季郡守黃侯震為道士羅端英
 作仙祠記嘆典祠之人攘取微利今山之提點提舉不
 私其利不私其典祠之人攘取微利今山之提點提舉不
 迴絕人境超出其名公其心為永久計是可書已況此山
 虛吾之心不使出有一毫埃壅塵滓之留六合內扶輿
 淑唯所收拾以實吾之腹迨遙遠近堅固以為今之奉
 四仙合靈燕山亦道家分內事也因及之以為今之奉
 勉祠者

梅峯祠在巴山東北祀漢梅福縣志元吳澄記撫崇

開山之聲延而高者五俱有仙靈神異之蹟寄託其
 上最南一山曰華蓋由華蓋而西北一山曰芙蓉芙蓉
 之北支迤而西曰杯山杯山之東北為梅峯梅峯者世傳以
 支為而東曰巴山巴山之東北為梅峯梅峯者世傳以
 為因漢梅子真而得名字真昔為南昌尉而此地在漢
 款南昌或子真所嘗經行棲息後人祠之於此而以名

其山蓋不可許已子真諱福九江蕞春人少明尚書
 秋成帝時外戚王氏愈熾五侯七貴王章以忠直忤
 獄死人莫敢言王氏愈熾五侯七貴王章以忠直忤
 向後諫帝怒息悲傷其意而不肯用永始間子真上
 書引古諫帝怒息悲傷其意而不肯用永始間子真上
 識深慮逆知王氏之必不利於漢以遐方小吏越職言
 事可謂忠君愛國之至者矣其後賊莽勢成遂乘妻子
 復名而遜有人見之於會稽竟莫知其終或傳以爲
 仙云蓋賢人哲士沈因下位不忍坐視移國之禍而力
 不能救則潔身全命道遙物外高風凜凜然將使百世
 之下聞而興起者想其遺蹟所在敬仰而祠祀之此好
 德之良心不可泯沒者也人以仙祀於前宋代封諸虛
 步應真人既合祠於巴山又專祠於前宋代封諸虛
 李公劉家梅峯之陰暨弟博古捐資築室買田備諸器
 物皮胡守貞爲道士奉其祠其子修從子濤又度羅日
 新爲道士以胡爲於永久之智孫允思言之於官始
 次有乘間而據石之者侍部以之智孫允思言之於官始
 克復舊乃度鄉祠昌爲道士伯夷之流亞固不以祠爲
 余謂子真忠清而仁其伯夷之流亞固不以祠爲
 輕重而梅峯峻拔特立氣之鍾聚而秀美者山之靈異
 配子真之名節玄古至今同其永久也宜李氏了孫善
 繼先志能得道流之勤謹者世守此山其事皆可書也
 記是爲

菱陂廟在田羅坑祀唐刺史周法猛以建陂功祠之謝志

西廟即王太尉廟在縣西耆祀宋丞相王旦嘉慶六年

重修謝志

忠勇祠在治南祀宋令贈奉國軍節度使蘇緘元祐中

賜額懷忠謝志

四賢祠在縣小南門內初在縣東宋嘉泰閒士民建祀

吳沆吳澥吳鑑吳曾後廢明宏治閒知縣葉天爵重建

於社學故址復廢其子孫遷建於此謝志

二賢祠在學右宋嘉定十六年建祀吳沆歐陽澈謝志

和記崇仁之鄉先生沒而可祭於社者二人焉其一少
閣修撰歐陽公澈其一環溪居士吳公沆也修撰自少
懷微尚氣言不少屈靖康初應詔條弊政五十餘事為
三巨軸廢置卒不能舉州為選力士負以行會金人大
人要盟城下而去公毅然以口伐可汗自任願殺身以
安社稷恐上不之信則請贊二子一女身使穹廡取親

王以歸不報建炎初黃潛善汪伯彥秉政公伏闕上書
力詆其短汪黃不勝憤以其及宮禁事遂加公矯誣之
罪與陳東俱死東市未幾高宗皇帝深悔不已引咎責躬
散地贈公承事郎仍官其子繼又痛念不已引咎責躬
至有八年於茲一食三歎之語加贈朝奉郎祿開修撰
且官其親屬二人賜田十頃以卹其家居十少年結菴
讀書已有高世志惟以母故將求緣仕以爲迎養乃就
試有司且獻所著書於朝既一再不遇而母卒卽廬於
環溪爲終焉之計達戶蔬食處之晏如動止語默皆可
法象閨門千指雍雍以和而鄉里之晏如動止語默皆
者蓋多也於書無不通下至百家九流莫不貫穿其
著述殆數十萬言易有通解有璇璣圖有資微禮有不
老子有解數十萬言易有通解有璇璣圖有資微禮有不
教之書也二公忠義隱逸制行不同而皆切於名教有
關於風俗也天下之人聞而高之而況於其縣乎然修
撰止祠於郡庠縣則未舉環溪雖祠於縣學但位偏而
陰於禮未宜嘉定十六年豐環溪雖祠於縣學但位偏而
新學宮卽講堂西偏爲屋四楹景以兩廡中肅肅二公像
而祠焉於丁祭明則率其僚與諸生陳三獻之禮百
年闕典一旦興行博昔權宜今正厥位苞之人士顧瞻
咨嗟激厲奮發咸以記請君君辭不自爲則以命其同
年生臨川危和和竊惟修撰以布衣之賤非官守於朝
而憤世嫉邪之死靡憾居士學成道存宜以用世而
光不耀自全其有死生大矣貴賤殊矣而不足爲之變

何為其然哉安而生不若忠而死有所虧而貴不若無
所虧而賤方其引頸就戮老身厄窮他人處之誠若未
易由今以觀汪黃之惡人謂斯何而修撰被國寵榮立
節萬世同時輩行仕宦者豈無顯官類多名隨身盡而
環溪之學往往與河汾並傳時失必有能辨之者
范君為邑特表而出之以風厲其民可謂知所先務矣
和於二公實桑梓後學雖其生晚不得執轡晏子為御
李君而謝讀詩書不無尚友之志乃今得以無似之文
薦公祠下獨非榮耀乎

虞文靖公祠即虞邵菴祠在南門外明知縣葉天爵建

祀元虞集謝志

彰賢祠即吳草廬祠在迎恩橋左祀元吳澄明宏治間

建謝志

崇儒祠即吳康齋祠在昭清觀故址明嘉靖三年知縣

王鐸請立祠巡撫陳宏謨奏請崇儒扁額謝志

吳文恪祠在寶唐書院右祀吳道南明崇禎元年建後

圯

國朝嘉慶二十一年卽其址建義倉仍建祠於左

謝志縣志

陳節愍公祠祀明四川按察副使陳其赤雍正元年給

帑建

縣志

節孝祠在學宮外右一在城南道光十四年邑人甘揚

聲增建祀節烈貞孝婦女一千四百餘人

謝志縣志以上崇仁

金谿縣社稷壇在治北朝天坊乾隆十年知縣宋若臨

修

謝志縣志

先農壇在西關外華源廟右雍正七年知縣董天敘修

謝志縣志

神祇壇在縣南攀桂坊乾隆十年知縣宋若臨修

謝志縣志

志

厲壇在朝天坊謝志

關帝廟舊在協和門外道光四年知縣李雲倡捐改建

於城隍廟西咸豐六年燬同治十二年重建府志

文昌廟在大成殿左嘉慶二十四年教諭項鑑訓導李

芳秋建道光二十年移建明倫堂後二十四年仍舊府志

府志

城隍廟在縣南攀桂坊道光三年知縣李雲重修咸豐

六年燬同治二年知縣徐允倫重建謝志

劉猛將軍廟在學東北道光二十一年建縣志

三陸祠在縣治舊名二陸祠宋淳熙中建祀陸九韶九

淵淳祐閒遷槐堂書院之前元末廢明天順六年巡按

呂洪卽舊址建祠增祀九齡易今名以傅子雲楊簡配

增祀九齡以下舊志作瀉
祐閒誤今從府縣志改正

國朝道光二年題准祀生一名咸豐六年燬十年知縣羅

榮緒捐修十一年復燬謝志
府志

傅琴山祠在治西祀傅子雲宋瀋祐中建謝志

南豐曾氏祠元至元十一年九世孫冲建祠於縣治之

南原祀沂國公仁旺繪像中堂謝志

忠臣祠在治西祀元編修官黃俾謝志

唐孝烈二女祠在東關內舊名孝烈廟在鷓鴣嶺祀唐

葛祐二孝女元大德中縣丞吳瑾遷於邑東萍堆初元

記堂三開祀二女子表孝烈垂世教也三百年前縣初

爲鎮鎮有銀場場有典吏銀耗不能償將抵吏罪吏惟

二女相與謀曰地產已竭銀不可得罪不可逃女生何

所用惟有投爐中一死贖父乘鑪火灼焰時同時躍

入燭焉見者哀號聞者驚異事聞即目罷場散治免吏

罪二女子生下里耳不習詩禮之訓體不聞珎珎之節

建國略

一且孝心所發輕身以死求諸傳記未能或之雙也於
法宜祀今皇帝踐祚制詔州縣前代義夫節婦議與旌
表惟時濟南吳公瑾來貳茲邑開二女子之風曰是不
有大於義夫節婦哉盍特祠稱明詔乃直舊場乃峙新
廟石鐘山在右鷓鴣山在左大德戊戌四月屬役五月
落成謂邑士胡元壇曰子非邑之烈人乎且子老矣及聞
習矣筆之以垂厥後予曰二女孝烈不以記而傳也公
起孝烈之心不可不傳也近有以坑治策獻烹煉踰月
不得錙銖之害於民無益於官乃於當時又生此邑民於
迷寢是二女之孝不特生其父於天足以對揚天子丕顯
世命乃作迎享送神詞三章遺鄉人歌以祀其詞曰招
休命乃作迎享送神詞三章遺鄉人歌以祀其詞曰招
淑靈兮山之阿駕雲駟兮兩英娥攜手同行兮肯予過
憩新祠兮樂也婆娑山有兮對藪清泉為酒兮明月為
燭石鐘自鳴鷓鴣自曲風景當年兮太平草木靈之來
兮鼓淵淵靈之去兮駕翩翾翾鑑罷焰息兮斯萬年我民
子撫州路金谿縣新作二楊湖樂歌三章有元全正元
年在唐寶曆間以官責其父祐虧鍊白金事不勝暴酷皆
在唐寶曆間以官責其父祐虧鍊白金事不勝暴酷皆
於今是宜血食其土矣國子博士吳君師道暨文之石
而祀神之詩闕焉上元楊湖撰為樂歌三章俾金谿之
民歲時歌之以祠孝女其辭曰靈之來兮兩旗張導旌
幢兮鏘琳琅續曉曉兮相頤頤並輶軒兮歸故鄉歸故

鄉兮民所望昭旃靈兮智洋洋庭燎輝兮夜未央椒蘭
 發兮鬱芬芳民報祀兮弗敢忘心屏營兮戚肅將靈格
 思兮民樂康靈之留兮淡容與雲凝凝兮翳堂宇瓊筵
 陳兮合簫鼓列尊疊兮酌清醑牲肥腍兮承雕俎女巫
 進兮佳屢舞誦神德兮歌頌舉執捐軀兮悟時主齊英
 英兮惟孝女繼茲兮今兮養終古靈醉飽兮民樂胥靈之
 去兮將安之儼欲旋兮今兮我上馳互招搖兮燭祈所遺雲
 路兮春威遲金有賦兮地不遺湯賁兮今兮民力罷我邑
 井兮咸熙熙賴神惠兮獨弗羅千萬禪兮神是稽薦蘋
 藻兮答神薦靈適逝兮民肆思貢師泰詩金谿廟前
 草離離金谿廟中兩女兒青山猶似舊時色流水不盡
 行人悲翠翹珠珥垂孔雀廟門深鎖似舊時花落靈風蕭
 半空來髮髯音容啟珠箔憶昔里中初賦銀銀賦日急
 家日貧父身撈掠痛欲絕友心憤結何由伸鬼狐夜號
 天漆黑大治騰騰火光烈可憐獨躍雙蛾眉變作兼金
 白如雪君不見緹縈上書更肉刑木蘭遠赴可汗兵固
 知才略過男子不如孝女英烈能捐生又不見湘妃江
 邊淚斑竹韓憑冢上連理木固知精誠能相召不如孝
 女感化獨神速赤龍並駕參嬋娟萬古日月懸中天人
 生雖死名不死吁嗟丈夫應愧爾成廷珪詩葛女祠
 前薦荔蕉藤花風雨急飄蕭翠聯五夜靈氛下銀穴千
 年寶氣銷太史已聞書孝烈遺民無復困征徭絳唇朱
 袖歸黃土惆悵
 何人說二喬

明洪武中主簿劉志民遷今所萬厯中

知縣沈麟祥修易今名邑人葛子先重建

謝志

李侯生祠在學宮旁元泰定閒邑人劉有容建

吳澄記

思天下之治法以爲禹稷伊尹之志苟得一縣亦可小試何也縣之於民最近令之福惠所及最速莫是官若也而舉世督孰知其任之爲不輕專務已肥遑恤民瘠壅闕吾君之德使不得下達愁怨之氣潮漫兩閒以致上干陰陽之和者十而八九也聚羣羊而牧之以一狠恣其咬食何辜斯民而至斯極於斯之時候有人焉慰愜其蘇息之望則民之愛之也烏得不如子之愛父母哉若金谿縣尹李侯是已向論邑政之最必曰五事備予謂簡訟均役二事爾戶增土闢盜息三者其效也貪官喜民訟之繁則其需賄之人甚則殞身破家事冀求納蔓延歲久而不決受誣之人甚則殞身破家事冀求直而枉者先有所輸則直者無復得伸役戶議差之際鬻賣殆徧惟無力請賂者不脫免卽此二端欲民之聊生可得乎侯則不然訟者造庭面詰其故稍涉僞妄往往辭窮或以理感喻之而止所當辨解責之鄉鄰縱欲逮問不遺一卒比及至官片言判其是非罔有留滯雖理屈抵罪靡不心服上司命之鞠訊亦若是戶役一以貴產高下爲等第來歲之役定於歲杪數戶俱差則考驗其力以多寡其日分如衡之平無所低昂由是民不可爲歟而訟自簡吏不可爲姦而役遂均訟簡役均縣

之大綱舉矣此外皆其目也侯宰邑凡四初宰華容繼宰臨湘二邑各處三年如一日後宰高安郡以私而撓縣政侯莅官甫七日遺棄去金谿之治視華容臨湘無異侯之所以過人者非他其善有五而廉為本廉一也明二也仁三也能四也公五也在金谿六年其去也士民思其德傳以紀之者數千言詩以誦之者數千百又立生祠於學宮去已四年而復來請澄記予觀漢循吏傳六人始文翁終召父蜀郡南陽世祠之今侯得此於民與漢之循吏異世同符予素知侯名樂道其善侯名有字仲方平陽人請予記者前縣尉曾文樞暨金谿彭瑀後廢縣志

陸象山祠在城南刈禾堆舊作刈明知縣程秀民建謝

朱陸祠在治西明嘉靖閒知縣馮元建崇正書院祀二

先生後改為祠

國朝乾隆四十三年陸氏裔修亦名崇正祠縣志

崔侯陸侯詹侯祠在東關後移望仙觀後名三侯祠有

司春秋致祭縣志

節孝祠在城內謝志

貞孝節烈總祠在北市陶家嶺下道光二十二年建縣志

以上金谿

宜黃縣社稷壇在迎恩橋謝志

先農壇在北關外謝志

神祇壇在縣南縣志

厲壇在縣西門外縣志舊志在治北

關帝廟在縣治左舊志在治北順治間知縣王世璽建乾隆

三十三年知縣王光燮修府志

文昌廟在學宮左縣志

城隍廟在縣南隅初在西北隅舊志在北明嘉靖間改建

國朝康熙四十四年知縣黎大觀修府志

先醫廟卽三皇廟在西門外元延祐閒建謝志

鳴山廟在治西祀晉石敬純謝志

昭烈廟在治南卽張睢陽廟明萬厯閒建

國朝康熙五十九年修乾隆四十四年邑人吳惠孫捐基

陞擴之謝志 縣志 府志

義勇祠一在行布政司右祀明崇禎五年禦寇陣亡諸人
一在荷溪明嘉靖閒奉敕祀李孟二等一姓四十八

人謝志 縣志 謹案崇禎壬申之役自志據羅應曉

球六張俊五陳香四唐大老羅興華等先後陣亡勇殺
傳則有胡鴻德胡鴻賓潘章俊潘光漢張汝茂張汝輝
鄒思化鄒思讓張世讓張廷約潘潤缺二九缺超
缺世傑缺陽傳三羅缺徐七其姓氏不能全考

胡莊肅祠在北隅祀明江西巡撫胡松縣志

譚襄敏祠在明倫堂左祀明譚綸崇禎閒邑人建縣志

韋推官祠在治右祀順治間撫州推官韋弦佩縣志

王令祠在治北祀順治間知縣王世噩縣志

節孝祠在學外右謝志以上宜黃

樂安縣社稷壇在治東謝志

先農壇在東郊教場後同治八年重修縣志

神祇壇在治南謝志

厲壇在治北謝志

關帝廟在城北舊在東南嘉慶十年典史孫鑒捐修二

十三年移建邑人曾德昇子孫世修縣志

文昌廟在學戟門左偏縣志

許真君廟在詹家坊舊在西門內咸豐六年寇燬同治

九年知縣朱奎章創建於此縣志

西溪先賢祠在西坑祀宋何時何天聲元何中

謝志

俞公祠祀明提督軍務俞諫宏正閒剿平土寇張元二

鄒仕興邑人爲建生祠縣志張昇記吾江右屬郡有

豐甯都新淦豐城江義之界寇起必擾其境必經其途

宋紹興開乃割地置縣以治之然而重山峻絕谷道深

阻民俗頑獠入我朝宣德間有賊曾子良嘯聚大盤山

宏治初有餘瑞二繼而范安惟鄉仕興最臨且久橫行

鄉邨焚掠淫污殺戮折割積骸如邱流血成河慘莫可

言跳梁上下竟無敢當之者又合張元二屯郭山據大

池聚眾得三千有奇焚掠數縣駭及會省時郡縣各

有寇會朝廷簡命俞公在都察院右副都御史提督七

省軍務正德王申夏涇陽穆世傑知樂安縣事乃請於

督府公授以成算而親督天兵調達軍營已磨彭州防

其西奔調遠東軍鎮仲溪龍備其東奔調浙江軍深入

龍險隨便潛伏調大同兩廣軍以備追截委穆知縣會

各路兵以剿之乃令良民導軍徑攻大池郭山羣賊夜

遁獻功於督府俞公驍之樂安士民相慶曰昔也居者

有桴鼓之警今則安居而枕奠昔也行者有阻截之憂

今則坦行而無慮昔也征者有負乘之憂今則各安而

樂業皆向天稱首而咸頌曰此皆吾縣侯之功督府總

制之大德也吾輩沒齒而慕德其能有窮已邪於是請於縣侯建生祠以像俞公之形容而屬予記

詹一菴祠在治左祀明儒詹爾選謝志

王壯武祠在小南關象山下祀贈內閣學士記名道加

按察使王鑫一作鑫咸豐九年邑人游光化捐屋置田縣志

昭忠祠在壯武祠左祀殉難知縣靳丹書高學易典史

潘維新暨紳民耐咸豐九年合邑捐建縣志

烈孝祠在城南隅明正德間敕建祀進士詹崇妻潘氏

子詹迪俱以陷賊赴井死謝志

節孝祠在縣署右縣志

貞烈祠在昭忠祠右祀婦女之殉寇難者咸豐九年建

邑人黃貴元捐田供祀縣志上樂安以

東鄉縣社稷壇在廣成門外縣志

先農壇在迎春門外演武廳前

縣志

神祇壇在文昌門外

縣志

厲壇在拱辰門外

縣志

關帝廟在治北街之西乾隆十五年知縣梅長遇創建

後燬於寇咸豐十年知縣周溯賢重建

府志

文昌廟在兵備府故址劉猛將軍廟前舊設位文昌門

閣上嘉慶八年邑人黎中輔等建於明倫堂後咸豐三

年邑人高銘勳等擴之旋燬於寇十年知縣周溯賢遷

建今所

府志

城隍廟在治東隅

舊作治東北

咸豐六年燬知縣周溯賢捐

建

府志

龍神廟在余家陂咸豐九年知縣周溯賢捐建

府志

劉猛將軍廟在兵備府道光十六年建寇燬咸豐十年

知縣周溯賢建

府志

許真君廟在永豐社道光十六年邑人建

府志

周諸二令合祠在學舍外舊有周令祠在行按察司左
祀明知縣周相諸令生祠卽今址迹俱湮沒嘉慶九年

邑人黎中輔等合祠

謝志
縣志

忠義總祠在梧桐街咸豐八年知縣周溯賢建祀殉難
士民三百餘人右廂祀殉難婦女二百餘人置祀田

縣志

七烈祠在麻溪祀明正德初死節陳忠妻周氏及姊姒

王氏女金玉等七人

縣志

節孝祠在預備倉前

謝志

節孝總祠在萃秀門內道光三十年邑人王寅亮等建

同治六年知縣李士棻捐修增祀縣志以上東鄉以

建昌府

社稷壇在城西北隅初宋置在膏露門外明洪武七年

遷西郊

國朝雍正十年知縣蔣尙德遷此謝志府志

先農壇在三十四都鄧家園雍正四年建謝志府志

神祇壇在社稷壇右舊在十八都廟嶺謝志府志

厲壇在北郊黃家林謝志

關帝廟在南隅通會門內沿稱崇甯宮宋紹興中易名

武安明洪武初復建顏曰忠烈後易今名

國朝咸豐六年燬於寇同治五年修復謝志府志

文昌廟在縣學左嘉慶十八年紳民捐建咸豐六年燬

府志

城隍廟在縣學左明洪武初建

國朝咸豐六年燬同治八年知府達春布倡捐修復謝志府志

志

南城縣城隍廟在學宮東偏初在縣南隅宋紹興閒立元燬明洪武初復建嘉靖中有司奏均一城池不應府縣分祀燬縣廟並祀於府

國朝乾隆四十三年知縣李維謙別創於此咸豐六年燬

同治七年知縣陳鳴謙修復縣志

火神廟在府城隍廟左府志

龍神廟在城內西大街雍正六年建乾隆十四年燬於

火知縣趙丹樞捐修府志

縣志

旗纛廟在懷德坊花園內舊在千戶所堂後明宣德中

改今址嘉靖中知府鄧文憲重建

府志

劉猛將軍廟在縣城隍廟東偏道光十五年建

縣志

黃司空廟在北關三總祀陳都督黃法氐舊在城南久

燬徙今處

謝志

忠協廟在府治東祀唐張巡

謝志

麻姑廟在麻姑山唐開元中道士鄧紫陽隱此及遷化

遺奏立廟宋咸平中賜名仙都觀元豐中賜今名

謝志

顏魯公祠在麻姑山祀唐刺史顏真卿宋紹興中知軍

胡舜舉建

謝志

管樞密祠在府治北祀宋知軍管師仁

謝志

十賢祠在府學左舊在仙都觀宋紹興間蔡延世建祀

鄉先達陳彭年李觀曾鞏曾布曾肇朱京朱彥登惟甫
王無咎呂南公十人元季兵燬明天順間知府江浩改

建此志

王侍郎祠在府治東祀宋王義叔謝志宋陳起記建

地界閩粵城小而堅巨寇如苗傅李敦仁皆嘗擁眾至
城下無慮數萬視我孤壘猶玩嬰兒城中之人奮勇厲
氣折其攻具時出精銳以擊之賊悉宵遁由是郭郭邑
屋比他郡為獨全紹興初盜嘯石陂累年未殄郡增賞
格募人以討得百餘輩曰敢戰賊平無以處之遂籍名
軍伍率皆無賴惡少扭於攘奪桀驁難制吏不敢呵四
年七月朔與賈人紛爭毆之幾死郡守太傅劉公務欲
翦亂萌稍束以法惜乎制馭疏眾並喧呶釁鬪不軌
越三日遂有肘腋之變城扉盡闕恣為兇暴府廨禁兵
漫散四出縱火殺人積尸枕藉上穹震悼星殞達旦時
侍郎王公僑寓此邦聞亂而嘆曰吾受國重恩荷利社
稷生死以之乃躬冒矢石步至營門少頃指揮使劉潭
領二百餘人絳巾緋袍雜還而來公止之曰爾等素號
忠勇當立勞效朝廷待爾甚厚平時賞給金帛委主如
昔年秋青作樞密使近爾整作殿帥今州縣軍市領官
職者皆有功於國隨高下任用汝等奚為快一朝之忿

棄前功邪朝廷聞汝叛必遣大兵並進汝等坐守空城
能自全邪其言微切淨等感泣曰事已然將奈何公曰
太傅失於撫存既殘之矣不可因循上負國家誠能聽
當爲申奏丐釋爾罪淨等喜曰天賜公活我敢不承命
卽歛兵止殺無敢譁者是夜撫定如淨等輩幾二十隊
翌旦淨與闔城士庶堅請於公曰淨等仰荷營梧例得
全活然軍士不可曠願公主之公力辭不克遂率軍民
詣天慶觀望開山呼謝過草成奏章讀示於眾聞者感
悅惟敢戰百餘嗜亂不已心懷反側謀欲侵南豐結連
虔化山寨蹂躪宜黃踐崇仁掠金谿合臨川攻劫江東西
州縣轉入閩廣且曰大兵雖來未易我及自分作六軍
推其驍勇者爲首卷甲裹糧行有日矣公聞復造於軍
曰汝等咸許受命招安旣請於朝盍遲之何遽發此不
祥語邪六首領曰若侍郎郎保全淨等抑又何求萬一兵
先至文字後來當借侍郎之首以謝諸軍公曰旣以行
家保全汝豈齊吾頭邪眾信之遂定公又以建昌去行
朝遠縱得回報動涉旬月卽告急於江西帥司請以旗
降旗榜前來招安會倉廩灰燼糧食罄價復議長驅如
前公開諭曲折眾少息旬有五日帥司如公議左參謀
侯公慤提兵而來中途遇神武統制趙岸統領李昇被
旨平寇分路入境郡率又謀移寨麻姑乘險以守公堅
留保無他虞乃遣監稅馬恭監押趙公訥進士張屏前
往迎候三人者持金字牌歸羣情懼呼獨放戰兇頑不
知革伏於道左邀勅官兵遇箭而潰公慮奔逸開城納

之左右合圍賊之計窮且死叛首江青怒目握刃而前
謂公曰嘗與侍郎約兵何以至此便欲加刃公神色不變
徐曰金宇牌先至兵乃在後非我負約當為汝卻之卻
而不退死固未晚乃徧歷城中與諸將語且言城中解
甲招安矣何以攻為若王石俱焚豈主上好生之德吐
音洪暢諸將竦聽為少卻尋遣劉淨等先往參謀所次
日盡發已招安叛卒二萬餘人往軍前交割據營不出
者惟敢戰公度其復叛密諭官兵統理邱贊曰前後變
亂殘忍善殺皆敢戰也獸窮則搏宜速整兵一入營掩
擊一占城壘以防其逸贊如其言良久營中果放火殺
人遂引兵入盡殲之罔有遺孽官不失一鏃民不損秋
毫坐收全功無有後艱自始亂以迄於城開凡十八日
其間逆順不常欲犯臨川者三走南豐者再據石陂麻
姑者各一或宰牛祭神擲琰以卜或籠禽為號將肆屠
戮或束裝尋食決為啟行俄頃之際詭詐莫測公御以
威信勳中機曾故能羈縻朝夕操縱在我初諸徒赭衣
披髮威勢赫然及見公必易服輒被往見宿於營中賊
誠待之得其腹心每遇危疑輒服改容俯伏庭下公亦推
感其意愈加守護非夫精忠義勇格於神明安能回羣
兇於方怒肉萬骨於已枯哉公出城或疑其行棗參謀
侯公遂遣將枝閣視蓋空如也至金谿復視如初然後
知公之志在為民顛沛不失其守邦人荷戴惠德雖百
其身莫知圖報迺狀其績論列於朝繼又帥府諸司聯
銜刻奏上聞而異之寵加僞秩詔下之日比屋胥慶遂

相與繪公之像建立祠宇世世欽奉經度形勝於軍治
之東太守趙公許焉從民志也既落成父老請紀其事
而刻諸石起採諸聞見據其實而書之若夫鏞張盛美
播之歌詠以垂不朽則侯博雅君子焉公鄭州人諱義
叔字夏卿今為左中大夫充右文殿修撰提舉江州
太平觀文安縣開國男食邑三百戶賜紫金魚袋云

李泰伯祠在盱江鳳岡兩書院舊在鳳凰山下宋寶祐

二年知軍楊瑱建以曾鞏鄧聖求配

劉仙輪詩城西秦伯舊祠堂碧藪欄

斑草樹香鬢昔功名雲樣薄後來文字日爭光蒼髯冉冉猶含怒辯口瘡瘡尚帶霜若使先生居戰國不知何道處
齊梁元末燬明成化三年吏部主事左贊疏請表墓立

祠知府謝士元建

謝志

包文肅祠在延禧觀墓側祀宋尚書樞密包恢

謝志

王侍宸祠在府城元妙觀右祀宋王文卿

謝志

鄧襄敏忠節祠即大忠祠在府治東隅祀明右副都御

史鄧棨景泰七年建

鄧澄記正統己巳襄敏公以副都御史殉義明年朝命贈公資善大

夫石都御史陽今謚遺官論祭官其子瑞南京大理評事國錄方志私史蒐揚大書累書煌煌乎著公忠於朝矣而公吾郡人也鄉邦間宜有一席地以奉蒸嘗而久曠不舉郡中一二搢紳偕諸青衿若里三老始各呈列守令監司具申覆陳侍御王中丞各垂下其事乃相郡之東偏得廢署爲地若干畝官給承費爲金若干奉祀而下各依費俾其四世孫繼祖繼忠繼以儒衣山奉祀其祀費春秋入歲編以爲常繼祖繼忠繼念麗牲有石而載筆尙虛謂小子某盍有一言以承承久竊惟英廟上木之變學士大夫尙不難於死顧所以承承久難何也成師而出君行臣從雖奄人執事識者共憂軍前勝負固未決也及寇圍四合萬眾土崩刃夾如林鐵飛如雨縱焉伏獸竄又焉逃之蓋赴義亦死逃死亦死死其從也法也其死也勢也故曰非死難也今從事後觀之三輩之赫濯方張百戰之軍容餘勁行邊家法近在先皇遠則淵之役萊公實尸至今爲宋盛事彼狡然闕也豈無枝淵之士大夫之口乃師未出伏闕諫次大同諫疾馳入紫關關陝又力繼郭定襄諫其諫也有獨有旅是猶曰眾須知其不可也師崩眾殫如張英國輩皆久歷行陣直相蹂踐魚肉爛亡血塗原野耳公獨從刀林箭雨中挺身策馬翼上冀突出重圍及從入敵營而叱背盟辜恩其骨幹神膽實有以壯行在之威靈踰年駕幸南歸難天祐我明默啟其衷而公靈爽英威亦似陰有所助公乎公乎誠自有所以死者也方寇之賊公也肢裂

體解先軫無可歸之元其宏有化碧之血而自公為諸
生時爪髮脫落皆手自函藏子孫竟用之並其生平衣
冠手藁遺文以寔豈公預自知其死而然抑愛之親者
無敢毀傷與嗟嗟畏首畏尾老死其死而然抑愛之親者
隨彼所載朽骨腐肉耳毋以其身為者乃以成其身固
公之所以為公者哉夫豈直信其一旦之決者比也余
獨疑以公殉忠烈烈廷議易名顧遺其忠豈以公所為
忠者易見而平生數歷於謫法因事有功之襄應事有
功之敏當互見與今廟額曰大忠所以著公忠者益煌
煌備矣余既撫其實勒之碑爰銘以詩曰在帝五葉開
竊國柄獄獄憲臣執法以誣師出否藏帝狩于荒僻
蔽野流血成江萬死不死意氣彌厲躍馬衝堅力誦靡
繼雖裂公軀易損公神衣冠之藏一髮千鈞二百餘年
新宮奕奕苑苑桑梓九丸松柏黛天霜雨根石柯銅雲
散月高嚴市盡熊公所游從移如清風公所咏歌勒石
山中肅肅春秋秩秩邊豆章甫逢衣大忠之後大忠之
後克順克孝凡此邦人有位
則倣以為不信脉此廟貌

國朝乾隆九年知縣徐振脩重修

謝志府志

朱陸二賢祠即道一書院明嘉靖十五年知府王度塑
像其中後遷其像於府學萬厯中知府王之屏改為二

賢祠

國朝順治十年建紫陽書院於北專祀朱子乾隆五年改城西街故范文正公講堂爲紫陽書院製朱子主位於

中春秋有司致祭

謝志府志

五忠祠在仙都觀左側舊名三忠祠祀撫州刺史顏真卿宋丞相李綱文天祥明嘉靖中知府王度建萬厯中知府鄔鳴雷重修以岳武穆祠圯製主祔焉後胡松祠圯又移主祔祀

國朝雍正九年知縣蔣尙德改今名

謝志

鳳岡祠在北門祀宋李觀曾輩明何喬新羅玘夏良勝

五人

謝志

聶文定祠在西門祀宋吏部侍郎聶子述

謝志明朱大器記衛國

文定公聶先生祠十一世孫北溪君宣偕歟嗣族
 鼎建以祀公者也公宋人諱子述登紹興余復榜進士
 累仕至吏部侍郎出師西蜀敷歷底績封國於衛致政
 歸里值邑盜變斬議將屠城公問遂單騎至麾下力
 陳民冤乃獲免郡志載公能活町城幾千萬人者可考
 也卒諡文定救葬於邑之龍塘里建無極庵以祀焉嘉
 靖乙未天台石梁王公來守是郡修祀典奉公於鄉
 賢祠出公帑以葺墓道歲久庵圯不便瞻省茲北溪君
 新祠之所由建也祠經始於王戊至癸亥落成堂三楹
 內為寢室奉木主左右和貺祭器堂之下有廳事為宴
 享之所外為廊廡之右為門顏曰文定公祠厥趾崇曠
 可登可眺遠邇環視屹然一偉區也北溪君嘗記於
 予予久未何以應茲釋服北上再申前請予鄉人也嘗
 德公者也夫何敢辭載稽之傳曰仁必有後觀諸聶氏
 不其然邪昔公之在宋也其仕也有助庸於國則國封
 之矣其歸也有功德於鄉則鄉祀之矣仕之矣優仁渥澤
 其後五世至元升公以進士隱居不仕清修雅操存一時
 著稱學士邵庵虞公曼石揭公相與倡和遺翰猶存至
 今人仰慕之迨我國初七世祖思敬公以學行薦舉為
 本縣學諭尋登進士遷柱史凡數世至侍御公任之政
 事翰林公循之文章節推公興之明允後先相望成炳
 炳可述今北溪君廉直仁厚嚴於庭訓爰改賢祠積學
 好修待魁禮闈方將接武青雲以光大文定公之業其
 諸子姓振振興起瓜瓞綿延若泉湧出而燎方揚也猗

歟盛哉夫積之厚者發必盛然必言之文者而後傳斯遠也予不文何足以傳遠哉特書以備國史之遺且益以徵聶氏之有後云

旌忠祠在通會門明嘉靖閒巡撫胡松疏請建祀守禦千戶李瓊李應陽父子及守備王址明末兵燬

國朝康熙四十二年裔孫李柳徵

舊作李柳從縣志改正

呈請重建

謝志府志縣志

羅近溪祠一名明德祠在城內舊在鳳凰山下祀明參

政羅汝芳

謝志

胡中丞祠在麻姑山祀明江西巡撫胡松後燬今耐主

五忠祠

謝志府志縣志

許提督生祠在萬壽宮右舊在北關外祀康熙閒提督

許貞咸豐六年燬同治九年移建此

府志

昭忠祠在崇甯宮東廡嘉慶七年奉

旨建祀分發陝西殉難縣丞崔立楷並在川陝湖南馬步守兵
傅榮登邱文鳳陳發鄭得勝熊文連吳興茂吳興熊起
貴周得茂蕭元黃勝萬李廷鳳李才毛星富周魁余華
熊富周清尹升戈奉富丁富萬全勝余廷豹胡琨尹煥
蘭王勝二十六人咸豐六年燬一在府學左咸豐間奉
旨建祀福建副將陳上國並殉難勇丁及士女死節者合祠以

祀同治元年知府黃鳴珂偕郡紳創建置田

府志

石孝子祠在麻州渡祀晉孝子石三郎

府志

傅子淵祠在雅俗鄉祀宋儒傅夢泉

府志

黃孝子祠在青綏鋪爲元孝子黃覺經建孝子卒無嗣
浮屠入居之明宏治末知府舒昆山驅浮屠塑孝子母

子像扁曰孝子祠屢經兵燹塑像不燬

國朝巡撫郎廷樞檄南城知縣范長發重建

李武愍廟在府城祀元行省參政李恆泰定閒總管薩

特默色原作薩建縣志柳貫碑銘太保滕國武愍公

十一州而德滿為郡介乎江廣閩越之閒故嘗刻公之

遺惠於碑矣今總管薩侯始大作新廟春秋修其薦事

蓋上以承國典而下以順民志焉初公為益都淄萊新

軍萬戶圍攻襄樊遂從丞相淮安忠武王濟漢渡江略

定淮楚王受詔自將擣臨安以右丞阿里海牙鎮鄂而

帥分兵由九江入康隆興開元帥府下撫瑞建昌臨

袁吉贛南安諸城又南踰嶺至海其北盡長江東西際

閩與湘收郡縣一百五十得戶三百萬未三月已上其

功當是時民之望公如雷薄發風雨交至名能動物

而物無後乎明年宋相陳宜中節度使張世傑擁益王

福州收諸道潰兵謀為中變右相文天祥亦自會昌以

眾屯邵武署其土人吳浚爵位稍出建昌汀道師出宿

江西六月公馳至建昌乘利備禦會鎮撫孔道軍事易

都還得鄉民數輩江閩道上被至公所云同知軍事易

仲榮使走福州報府軍虛實而軍中又往往搜購文丞

相所與建昌故官大家書劄事連數百家時留戍諸將
校因是欲激公一言遂其私利公微知之旦起坐譙樓
召諸將校俱前立所逮人其下趣取書焚之諭以逆禍
順福曰吾念爾裔工之民不忍以迷復致凶吾今悉貸
爾矣杖數械者其餘獲縱皆再拜感泣言曰天賜公活
我誠願洗心自新諸將校或不亮公所爲公徐語之曰
是所得書往返千里外有達有不達亦安知非姦人芽
藥於其間今不數實而槩論之挈數百家民命徇其邪
謀何以安反側之心已而間浚以兵十萬據南豐公遣
投諸將方略走之八月浚復屯市山言必取建昌公遣
千戶析都逆戰兜港誘之半渡徐出鐵騎蹂其後追北
三十里橫尸滿野又命鎮撫程欽徑覆其巢穴廣昌浚
奔汀州公還而建昌之亂帖息如未附時矣方倉卒上
變適承豫章興獄之後爲汙池輕則化家爲俘囚夫何疑
以待斧鑕重則諸宮爲汙池輕則化家爲俘囚夫何疑
及公制釁於俄頃消禍於片言遂能易亡而存轉危而
安雖其精神心術之所運而所謂智勇與仁徽公孰能
兼之哉其後公以參知政事拜蒙古漢軍都元帥經略
廣東遂會湖廣行省平章政事阿里海牙江東宣慰使
張宏範等舟師崖山乘潮薄南船縱短兵接戰執政陸
秀夫窮蹙抱衛王赴海死降其宗室侍從官承宣使尚
數百人得其所饒金璽獻凱於朝十七年三月以資善
大夫中書左丞行中書省事於湖廣後四年承詔從皇
子鎮南王討罪交趾至其國河無梁結筏渡奪天長

府世子率官屬航海遁公部勒舟師追襲之獲戰艦二
百艘公渡天長濱江江水橫溢則冒沒營壘非便將大
城其府留師困之謀不用而水果暴至因趣班師命公
以其軍殿公且行且戰及皇子前遇其伏兵起永平關
藥矢中公膝次思明州遂薨以其喪還葬都城西永安
山南至元二十八年有旨錄公死事特贈銀青榮祿大
夫平章政事賜諡武愍於時卹典未行命始下人以
爲沒身曠世之遇至大元年從卹封滕國公諡武愍公姓李
遠功臣贈太保儀同三司追封滕國公諡武愍公姓李
氏諱恆字德卿其先有國河右之賀蘭山曰西夏者公
之世也自其父淄州都達魯花赤贈金吾衛上將軍簽
書樞密院事滕國忠襄公始家淄州長白山下故今爲
淄州人於是去公綏靖建昌之年已五十年餘矣昔之
飲沐公德者長子老孫且更數世而猶曰吾父吾祖李
公之所全活吾雖易姓以從公飲食以祝公亦若飲焉
矧今吾侯改之以崇報之禮示之以惇厚之風則自吾
以及世世凡而取鷄豚登黍稷以相率來請余文刻
者皆吾李公之德之漸可忽忘哉乃相率來請余文刻
之牲石余嘗備數禮官考夫有廟制祀之節矣蓋天子
縣內之諸侯有采地焉外諸侯有所都之邑焉故皆得
立廟而非其同氣之尸則有不厭不嘏不旅不酢而已
降秦及漢若樂公之配食社主若蜀守文翁齊相石慶
之立祠郡邑以至於桐鄉南陽涇城之繼起雖其事變
古益滋尙皆人心之不可終泯者然耳則今李公之廟

立於綏靖五十年餘之後非夫秉彝好德之心有所動於
 中能致然乎傳曰國功曰民功曰庸觀公之所樹立
 之如彼而其子孫紹隆繼美之如是亦庶幾古大臣之
 遺烈哉雖廟而祀之在建昌之民猶為不戾於禮者公
 之世爵行業有國史之傳有奉常之誄有幽室之銘有
 隊道之碑有廟之詩余之斯文為建昌縣廟而作者
 也故序其績詳焉薩侯良二千石也名薩德彌實政有
 帶要今既受代還朝矣建廟之力出於營軍上百戶羅
 勝羅由軍校長百夫是營隸公麾下尤有德於公云余
 既論次公事復係之詩以永公思其詩曰人心不一至
 變則通聚正秉剛其來不窮煥之萃之有廟於中惟廟
 伊何餐德與功江閣之交時為軍壘守攻更輝噴不知
 幾宋路元興如龍雲起維時武愍受辭南指麾旄所次
 謀若天政既帖蠻荆拓江及吳水有鯨鯢山有豹貆亦
 順而甯無稽而誅小腆非殷誕敢集枯鄰之震矣有泥
 弗蘇吁民畫呼孰於余翼龜天不聞延頸待刃有勇武
 愍提師來徇曰此吾民悼耄營亂在我懷柔毋彼蹂躪
 尺牘之疑付以束爇去爾芽孽絕爾疵咻我田我耘以
 肉吾身豈惟吾身祠及宗嫺我宅我居我田我耘以
 以方燕及秋春武愍在天惠於若人五紀而贏越若朝
 夕女則有甥男則有息家有訓言受藏以釋視公如神
 左降右陟相我後人無我厭教自公之旋有頌於神民
 則思之而未克祠今守薩侯繫公是儀作廟言言有像
 巍巍我民脩祀有崇無墜姑山崔崔山崔崔水湜湜昔公來

思瑀戈金載今公顧綏王瑱瑤席有餽
其馨遲公來格絃余雅歌式薦明德

節烈祠在五里莊祀劉三善妻胡氏明知縣范涑建

謝志

哀烈祠在北城明嘉靖閒建祀李華妻胡氏賜額哀烈

後兵燬

國朝康熙中裔孫李柳徵呈請復祀

謝志府志

節孝祠在月上街

謝志上南城以

南豐縣社稷壇在北門外黃沙坪

謝志

先農壇在東門外演武場雍正四年建

謝志縣志

神祇壇在通濟橋東官倉嶺舊在治東南太平嶺

謝志

厲壇在北門外西林寺側舊在熊家山

謝志

關帝廟在上街

舊作在西門濠口

乾隆閒知縣汪廷楷建咸豐

閒燬於寇邑人趙德塋等集貲修同治三年復燬邑人

湯臣萊等復修

府志
縣志

文昌廟在學宮側咸豐閒燬同治八年邑人揭裕錦捐

修

府志

城隍廟在縣治前康熙閒知縣李斌倡建成豐閒燬同

治七年邑人修復

謝志
縣志

龍神廟在上街嘉慶十四年知縣章耀曾建又軍山下

龍王廟唐開元閒建

謝志
府志

東嶽廟在集賢坊唐建

謝志

三忠廟在濠口祀關帝張桓侯張睢陽

謝志

許旌陽祠在南臺祀晉許遜

謝志

軍山廟在縣西祀軍山之神創於南唐昇元三年宋元

符三年曾布奏賜靈應廟額

謝志
會肇碑記禮山林
川谷邱陵能出雲爲風雨

見怪物皆曰神諸侯在其地則祭之又曰山林川谷邱
陵民所取財用也非此族也不在祀典夫谷卑於川邱
陵卑於山苟有益於人皆蒙報禮矧崇高廣大拔出其
類而能禦苗興利為一鄉一邑之望者其受命天子享
有廟食豈非稱哉軍山南豐之望也考圖記其高十有
九里餘二百步其上四峯巖起望之蒼然其傍飛瀑一
瀉千里其下龍穴投以鏐石雨輒隨注其產竹箭材草
利及比壤縣固多大山而茲山傑出見於百里之外其
勢雄氣秀若蹲虎兕而翔鳳鸞宜其能出雲雨見怪物
給民財用以為此邦之望也舊傳漢吳萬嘗攻南粵駐
軍此山其將梅銅祭焉禮成若有士騎麾甲之狀彌覆
山上因號軍山邦人祀之蓋自茲始唐開元中復見靈
蹟迺大建祠宇事益虔後其廟屢遷今在吁江之陽距
縣七里者南唐昇元三年後之遺阻也閩境祈禱有請輒
應不報元符三年六月未加民以爲歎部使者請於朝
院事奏臣南豐人知軍山舊爲邑丞相曾公布時知樞密
願如其請詔封神嘉惠侯廟曰靈感軍山廟命書下臨
邦人動色相與嘉神之功侈上之賜乃合財力廣其廟
而新之廟成丞相相屬其弟肇爲之記蓋南豐南城舊皆
臨川屬邑南唐始分二縣置建武軍今號建昌國初改
也軍在大江極南而南豐又其窮處地迫兩粵然其風
氣和平無瘴氣毒癘之虞水上衍沃飛蝗不至故戕盜
順成而凶饑之災少民寡求而易足故推埋鼓鑄盜戢

之奸朕諸其鄰有弗爲也白唐末喪亂中原五易姓而此邦恬然兵火莫及逮本朝受命休養生息百四十年戶口蕃庶室家豐樂雖八聖德澤涵濡張露亦神之闕贊爲福使然接實正名既見褒寵宜有文字以垂無窮故爲書本末且綴以詩使邦人春秋歌以祀焉詩曰土膏起兮流泉駛兮牧徂於田偕婦子兮既耕且藝耘且耔兮一歲之功在勤始兮野無茲螟墾有水兮非神之力其誰使兮我苞盈兮我實成兮揮鎌鉞鉞銍風雨聲兮困倉露積如坻京兮遺秉漙穗富饒荒兮飲食勸酬銷忍爭兮儼非神助歲莫登兮我有室家神所佑兮我有旄倪神所壽兮神之惠我維其舊兮上之報神亦云厚兮歷酒刑牲殷杯豐兮吹簫考鼓聲逢逢兮我民薦獻無終窮兮千秋萬歲保斯宮兮

三應真君殿舊稱三仙祠在軍山絕頂祀晉三應真君

浮邱翁及其徒王褒郭似

謝志

伍子胥祠在縣南白社鎮唐開元中里人甘仲振建縣

西有忠清

舊作忠靖從縣志訂正

英烈廟亦祀子胥

謝志

朱宣王廟在龍池鄉祀唐將軍朱從立

謝志

冷真人祠在縣西宋太平興國中建已廢

謝志

曾氏總祠在崇覺寺左祀曾仁旺密致堯魯易占聲布

肇

謝志

曾文定祠二一在治西舊名先賢祠宋知軍楊瑱建祀

曾鞏

陳宗禮記文章非小技也三代而下惟漢近古唐

腐幾與三代同風而士以文名者稱之嘉祐中歐陽文忠公以古道倡南豐之會眉山之蘇軾起而應眉山父子兄弟稍干載治亂成敗得失之變參以當世之務機聖賢表裏經術而警立言之有補於世美矣然求其淵源生初登文忠公之門其說曰明聖先生之心於百世之上又曰趨理不避榮辱利害相與爭先王之教於衰滅之中則先生之學非角聲名競利祿之學矣韓子所謂仁義之人其言藹如也故濫而為文辭嚴毅正大不訖不回援孔孟之是斷戰國策士之非舉曲諛之得正司馬遷以下諸史之失如鍼指南如藥伐病言語之工天乎茂蓋眉山父子兄弟文之奇南豐先生文之正奇者如天馬如雲籠恍忽變態而正者金之精玉之良凡物莫能加也帛之煖粟之飽不可一日而無人莫知其功也

以斯文明斯道淑斯人古所謂鄉先生者正如是沒則
祭於社禮也而由元豐及今二百年尚曠茲典歲在甲
寅楊君瑱來守盱訪求文物之遺慨然採郡帑之餘下
屬邑選委富而才者度地建祠以慰是邦士君子之思
乃於邑之西隅剗草取曠刊茨就平為堂其中而置像
焉翼以兩廡前有門以謹闔關後有堂以處衣冠之來
聚者經始於乙卯之夏至丙辰之春落成於是人無遠
近皆知斯文愈久愈光而喜斯道有屬也觀像思人絀
文見道必有進不白已者豈但為觀美哉予嘗竊祿中
祕遇當陞對官述先生之文之道請賜謚立祠以光往
哲以範後學朝廷既以文定易名賢太守又為祀以從
眾欲予適需次與觀規畫郡邑之士請書其本末遂不
敢辭初宣力助費者譚夢麟偕其子日新續之者羅仲
固協謀營度者邑士徐誼張有聞嚴高時寶祐四年正
月望日記

國朝康熙二十五年知縣鄭鈺重修一在曾巖卽文定讀

書處

謝志

府志

縣志

明李東陽重修祠記宋曾

坊後因以祀公寶祐中郡守楊瑱建祠迎盱門外參知
政事陳宗禮為記元元統初公族孫元胡祠於臨川虞
學士伯生為記季世兵燹無復存者國朝嘗建先賢祠
於南豐縣學公實與祠而弗專也景泰開訓導汪綸始

卽河東山麓公舊讀書巖爲亭名之曰曾巖祠亭成化壬寅無錫秦君廷韶來知府事慨其祠宇卑乃命知縣李昱相地庀物卽巖之東而重建焉背山爲堂堂左右鑿石開地爲東西廡前爲門屋屋之前疊石爲洞洞之前因危石爲階十五級下屬於池池之上爲橋以達於衢其旁則別爲亭亭右折數步則書巖故地也甲辰春工始告畢於是命公子孫領祀而時謹視之謂不可以無記走書京師請予記夫所重乎立言者必能明天下之理載天下之事理明事盡則其言可以久而不廢古之所謂著述者自六經迄於孟氏若韓子不免爲詞章之文而所謂翼道裨治則有不可揜也宋盛時以文章名者數家予於文定公獨深有取焉者蓋其論學則自持心養性至於服器動作之閒論治則自道德風俗之大極於錢穀獄訟百凡之細皆合於古帝王之道與治而凡戰國秦漢以來權謀術數之所謂學佛老之所謂教一切排斥屏黜使無得以亂其說者其所自立非獨爲詞章之雄其繫於天下亦重矣夫有功於天下則國祀之有功於鄉則有司祀之如公之賢固天下之祀不可闕者而況其鄉哉

曾文昭祠在縣西祀宋曾肇

謝志

朱文公祠卽紫陽書院明知縣向縞建

府志縣志

忠節祠在六都軍港口祀宋曾悟曾憲元州尹史文彬

建府志
縣志

宗聖分祠在市山明崇禎六年五經博士曾宏毅疏請

宗聖子孫在江西者各處分祠有司春秋致祭府志
縣志

裴彥直祠在東門外裴乃元知州也謝志

二林公祠舊名林宰祠在安禪寺前合祀林潤林壽芝

扁曰保障殊勳嘉慶八年重修謝志
府志
縣志

忠烈祠在治後大街祀明贈大理寺丞鍾祥知縣蕭漢

謝志

孝子祠在城內祀孝子王文佐謝志

湯惕菴先生祠在西門外石嶺舊在人字街康熙五十

九年巡撫王企靖建乾隆五十四年湯寅等請移建此

府志
縣志

程山享祠在講堂舊址右祀程山謝文游乾隆七年知

縣吳秉和建

府志
縣志

昭忠祠在上晒咸豐八年建

府志
縣志

節婦祠在東門外祀宋元來諸節婦邑人嚴翼捐貲重修邑舊志又有隱節祠在世美坊祀節烈婦之未旌者

謝志
縣志
府志

節孝祠在琴城書院東畔舊在城內上街乾隆十年知

縣葉重熙移建縣丞署左後又移此

謝志
府志
以上南豐

新城縣社稷壇在縣西蕨岡

謝志

先農壇在十一都何家砦雍正五年建

謝志
府志
縣志

神祇壇在縣治南

謝志

厲壇在東關外舊在狀元坊

謝志

關帝廟在學外西一在縣廨東濯纓池上知縣殷聘尹

建咸豐六年寇燬

謝志 府志 縣志

文昌廟在環勝山黎川書院東乾隆二十六年建咸豐

六年寇燬未修奉神位於書院

府志 縣志

城隍廟在縣治西南宋紹興中建

國朝雍正三年合邑捐修

謝志 府志 縣志

火神廟在北坊乾隆四十年知縣李本梁創建

縣志

孔氏家廟在縣西宋建炎二年孔子四十八代孫傳與

從子端友扈蹕南渡家新城明正德閒建廟

國朝康熙元年襲封衍聖公興變重修

謝志 謹案孔氏大宗諸孔子四十

八代孫端友襲衍聖公隨宋高宗南渡居衢州無子以弟端操子玠嗣端操長子端有子三長孫次摠幼博此

云傳者疑搏字之誤端友爲四十八代孫搏爲五十代孫今云四十八代孫傳以端友爲從子是傳可別爲一人而以端友爲四十九代孫則大誤矣舊志所據未知何本或係傳寫顛倒其詞致紊世次耳

危王祠在福山寺祀唐撫州刺史危全諷

謝志

呂先生祠在縣西南石城邨元處士朱民表建祀宋儒

呂南公今廢

謝志府志

李先生祠在赤溪卽泰伯讀書之所今廢

府志

崇正祠在福山朱子嘗講學於此名武夷堂後人肖像

祀之明羅倫易今名

謝志

鄧徵君祠舊名元錫祠在南津街祀明儒鄧元錫門人

張櫟等建已廢

謝志

愍忠祠在城內鶴仙觀舊在石峽嶺下明嘉靖閒建祀建撫守備王址巡撫胡松題請賜額愍忠耐祭遂安生

員鄧正及本縣同日陣亡者十四人

國朝雍正閒遷丹桂坊右咸豐五年改建謝志

昭忠祠在城東報恩寺前同治五年奉

旨建祀陣亡殉難知縣諸葛槐邑紳楊堃陳麒昌左右耐殉難

士民祠後祀知府何斌妻薛氏邑紳楊堃妻潘氏陳麒

昌妻鄧氏左右耐殉難婦女府志

雙烈祠在南津街祀鄧墳妻王氏與其姑徐氏謝志

節孝祠在丹桂坊謝志以

廣昌縣社稷壇在東門外萊山上縣志

先農壇在東門外萊山上雍正四年建謝志

神祇壇在東門外演武場側舊在南隅謝志

厲壇在縣北隅謝志

關帝廟在東門外謝志

文昌廟在學宮後府志縣志

城隍廟在東門外太平岡原在行布政司右明洪武間

知縣張琥遷建府志

龍神廟在西門外河畔府志

江東王廟在南隅宋令趙彥博建祀石固謝志

昭忠廟在東隅舊名東平王廟祀唐張巡府志明何縣新志

碑記廣昌之東園有祠曰東平王廟者宋咸清中縣令朱汝賢所立以祀唐忠臣張睢陽也按史王諱巡舉進士累官真源令祿山之亂起兵討賊與賊將令狐潮尹子奇等大小四百餘戰屢挫賊鋒後以孤城援絕力不敵以身死之當是時逆氣起河朔蹂躪河華兵燹蔓延幾徧天下而王以區區睢陽扼其衝賊死咋終不改越而南江淮之間晏然不識兵革者王之功也王之將死也西向再拜曰臣生無以報陛下死當為厲鬼以殺賊道家者流遂謂王受命上帝為瘟部帥察民善惡而賞罰焉其說竊冥蓋不可究然江淮之民慕王之忠烈且

信道流之說故所在立廟水旱厲疫必禱焉其應如響
 東園之祠其一也永樂甲申廟圯於水正統庚申邑民
 始修復之時先公為刑部侍郎記之甚詳歲久滋微天
 順入年冬十一月予從兄本堅弟喬福暨耆民吳大成
 居士揭仲雍大覺寺僧道霖等始合眾力而新之中為
 正殿後為寢室前為飲福之亭越明年夏六月廟成
 楹輦後為金碧絢麗柱嚴整矧佩歲莢耆稚皆觀以為
 有廟以來未覩茲盛道緣因予弟喬年求紀其成結大
 王之忠烈無以贊為矣論者或謂王生鄧州死節睢陽
 其平生足迹未嘗履江南廟而祀之恐非先王制祀之
 意是不然宇宙閒屈伸變化不可測度者神也神之為
 以然者氣也得其氣之剛大靈著者則為俗人以為忠
 義之業炳然巍然不幸而死其情爽耿耿耿者不為異物
 漸盡復為神明無所不之焉其情爽耿耿耿者不為異物
 若王是已廟食於茲夫何疑哉初王著神南土號封累
 加其口東平威烈昭濟顯慶靈佑王著神南土號封累
 一月所封也乃作歌遺之使邦人歌以祀王庶幾國
 來倍降福於民焉其歌曰佳爾維人歌以祀王庶幾國
 堂靈連蜷兮未來渺予思兮唯之陽靈之來兮庶幾國
 紛薦赤虬兮驂蒼麟兮雲先驅兮闕以萬春歌我烝嘗
 兮穆且欣嗟天寶兮多屯胡貳閔兮關河昏長蛇在闕
 兮龍在野帳孰婦兮妖氛虛哀憤兮援戈起鸞鳥號兮
 射妖豕北風競兮西日蒼涼兮樂陰陽察民苦惡兮降殃
 死兮精爽不亡陟降帝庭兮

祥龍岡之下兮
肝之嵒松筠蕭穆兮
綠陰承宇朝出游
夕暮來歸越千歲兮
毋遠茲土屏蠹賊兮
驅厲鬼錫我百福兮
壽且祉靈之降福兮
不那我民報祀兮終古無已

江守祠在東隅祀明建昌知府江浩

謝志

忠烈祠在大路祀明贈光祿少卿劉大年

謝志

何氏世德祠舊名冢宰祠祀明吏部尙書何文淵刑部尙書何喬新曾孫刑部侍郎何源巡撫衛承芳巡按顧

慥更今名

謝志府志縣志

平寇報功祠在大街順治間合邑創建祀知府高天爵

謝志

昭忠祠在城隍廟右

府志縣志

節孝祠在學後旁

謝志上廣昌以

瀘溪縣社稷壇在西門外鸛巢西

謝志

先農壇在西門外社稷壇右嘉慶八年知縣閻樂修謝志

府志

神祇壇在西門外

府志 縣志 舊志在南門外

厲壇在治西北

謝志

關帝廟在城南防汛營左

舊志在北關外

乾隆二年知縣王璫

建道光二十二年縣丞段正邦倡捐增修同治八年知

縣楊松兆重修

府志

城隍廟在城西明萬厯間建

國朝嘉慶二十年知縣楊朝位集紳勸捐增建成豐七年

燬於寇同治六年知縣劉獻葵八年知縣楊松兆先後

修復

謝志 府志

龍神廟在城隍廟右乾隆十九年知縣顧惠懋始立祀

府志

鳴山廟在城北

謝志 謹案鳴山廟神為石敬瑭父石勒為牛昌隱諸於石勒被殺見貴溪縣志

謝志於此下云祀石勒救封自鳴山翊化真君未知何據

福善王廟在東門外祀唐泉州太守歐祐今圯

謝志

張王廟在城北明建

國朝康熙五十七年知縣白潔重建咸豐七年燬同治七

年復建

府志縣志

理學祠即李泰伯祠在學左明萬厯閒知縣潘元勳請

建後燬

國朝雍正閒復建乾隆閒重修易今名

府志縣志

義士祠在一都祀元末鄧景祥

府志縣志

節孝祠在西門城內

謝志以上瀘溪以

廣信府

社稷壇在城西北天津橋舊在城西四里明洪武二年

知府周郁遷建今所

謝志府志

先農壇在東門外二里鋪

謝志

神祇壇在溪南上郭明洪武二年周郁建

謝志府志

厲壇在城北五里明洪武閒知府周郁建

謝志府志

關帝廟在東門外唐大厯閒建

國朝順治五年防守康時昇重建康熙七年守道李士正

知府蔡廷輔乾隆四年署府裴玉麟重葺同治六年知

府鍾世楨重修

謝志府志縣志

文昌廟在府治左同知署趾嘉慶九年知縣李周楨建

同治六年知府鍾世楨重修

府志縣志

城隍廟在府治西明洪武元年知府王範建知府彭南
舉重修

國朝康熙三年分守道李士正增祀兩廊七縣城隍兵燹

二十一年知府孫世昌重建乾隆四年知府裴玉麟五

年知府陳世增道光三年知府何貞重修

府志

上饒縣城隍廟在縣治左舊在府城隍儀門左萬厯間
知縣李鴻建天啟間知縣謝邦薦遷今所

國朝順治七年知縣郭永靜康熙十年縣丞陳貞改建乾

隆六年知縣汪文麟加修嘉慶元年知縣杜大奎重修

道光元年知縣陶堯臣重修

謝志
府志

火神廟在西門外

府志

龍神廟在東門外雍正間建

府志

孚惠廟在府城南唐時建祀晉石敬純

謝志

江元帥廟在城南祀雷霆之神宋元帥江顯也

謝志

靈山鷹武李將軍廟在靈山石人峯下神諱德勝唐德宗朝進士出守信州以禱雨坐化遂立廟宋宣和間神助誅方臘賜鷹武廟額紹興初守令乞靈禽永豐賊奏封助靈將軍嘉靖初賜號江西靈山鷹武將軍之神尋燬

國朝道光二十六年二十九年重建咸豐年間賊犯信郡

神屢顯靈應同治三年巡撫沈葆楨奏請加封奉

旨賜額顯佑

謝志府志

東嶽廟在溪南瑯琊峯下宋紹興間敕建萬厯間增置壇宇

國朝康熙二十一年知府孫世昌重修

謝志縣志府

五賢祠在城北茶山舊為二賢祠祀宋曾文清幾呂文

清本中宋韓元吉記並江而東行常閩浙之交是為上

輿帶其物產豐美土壤平坦故比來之渡江者愛而多

寓焉廣教僧舍在城西北三里而近尤為幽清小溪迴

環松竹茂密有茶叢生數畝其父老相傳唐陸鴻漸所種

也因號茶山泉發下甚乳而寓於寺公以文章名於時而

故中書舍人呂公居仁嘗寓於寺公以文章名於時而

直道勁節不容於當路屏居避諂齋志以沒上饒度也

稍宗其學問田夫野老能記其曳杖行吟風流韻度也

後數年故禮部侍郎文清曾公吉甫復來居之二公非

生以詩書教子弟或經時不入州府不問世故好身事者

門從公游談風月爾公亦自號茶山府不問世故好身事者

朝廷更庶政一時端士正人始得進用而呂公前已沒

世莫不愔而哀之公起為部刺史遂以道德文章入侍

天子蓋退而老於稽山之下而上饒之人稱一時衣冠

之盛及二公姓字則拳拳不忘寺之僮奴指其庭竹則

曰此文清公所植也山有隙地皆以為圖指其花卉則

曰此文清公所植也山有隙地皆以為圖指其花卉則

公所建立或命名也主僧居人者言小年走諸方待其

師清於草堂清每與其徒誦二公詩語且道其禪學之妙居人竊聞之以謂非今世之人不意遊上饒及見二公於此寺今既叨涵培之職矣俯仰踰三十載既再見而不可得將虛其室繪二公之像事以香火而祭其諱日焉於是榜以兩賢堂而求爲之記夫自中原隔絕士大夫違其鄉居類多寄迹浮圖之宇固有厭苦願其速去者矣未能有知其賢既去而見思也在詩有之蔽芾甘棠勿剪勿伐召伯所茇注曰茇之爲言草舍也召伯聽於甘棠之下而民之被其德者思其人敬其木不加翦伐云爾今二公之寓室殆亦茇舍之比也然非有聽訟之勞及民之化而人又佛徒豈能盡知其儒之事與夫賢者之詳乃尊敬愛慕不已至祇飾其居以爲二公之思而祠之使二公也得位以行其志則後增祀徐梅所以致民之思者豈不足侔於召伯哉

墊辛稼軒唐陸鴻漸更今名

謝志

謝文節公祠在安輯鄉舊名疊山書院元季燬於兵明景泰中知府姚堂遷城內上郭正德五年知府陸徵修十五年提學僉事邵銳以文節弟君禹君烈君澤子定之暨諸從子部將張孝忠合祀嘉靖中知府張翀張士

鎬先後修建改稱文節祠

國朝乾隆八年知府陳世增遷於萬金山四十六年知府

康基淵建信江書院配祀朱文公祠咸豐五年湘鄉羅

澤南統軍援江西擊賊廣信重建同治六年知府鍾世

楨修

府志

朱子祠在南巖寺側明成化閒知府談綱建初僅設像

嘉靖五年同知葉逢陽始立祠

汪偉記吾信為閩之門戶文公遊仕四方必道

出焉故信之山水最為所賞愛至今深山窮谷雖土人亦罕至而往往有公遺墨鵲湖以講道特顯南巖去邵

治絕溪而南十里許公蓋嘗至焉景泰癸酉郡守四明姚侯堂得寺僧口識公五言詩一律又得公詠一滴泉

詩一聯於郡學李訓導姚守謹錄而傳之二詩舊書於法堂之壁壁圯詩逸不存非姚侯之好事則墜地久矣

成化庚子後守錫山談侯綱肖公像於巖閒欲修祀事而未遑也嘉靖五年春巡按監察御史秦公亦四明人

以瓜代弭節於郡偶偕守巡少參張公懷僉憲鍾公雲端遊南巖拜文公像賦詩二章以致嚮往因語署郡事

同知葉君逢陽曰像而弗祀非衰歟對曰有司之過也
乃議復其事雜徭民兵一人以顧役之資充春秋牲醴
費有餘以飾祠宇庶事易集而可久秦公曰俸議是也
葉君遂來請曰願文其事於石以示後俾勿壞予曰文
公於吾人之功誠罔極也然不備觀羣言之蹟無以知
公之爲勤不精思而力踐之無以知公之爲功府學小
生喜立意見未嘗盡讀公之書而遽疑焉而遽譏評焉
斯道何由而明哉偉觀諸君子於先哲過化之地顧其
泉石草木若召公之棠思封植之得其一字一句若伏
生之書思表章之可謂篤信善學者矣其於風教之助
豈小補哉偉所以累歎息欣林而不能已也敬書其始
末以諭來者秦公名鐵字懋功起家進士爲御史風裁
凜然出按江右務持大體不尚武猛苛察而下益畏所
至以訪民隱求賢才爲急人服其得體葉君字子大文
公鄉人由進士應縣令有萬厯閒知縣李鴻修
聲攝廣信同知稱廉敏云

國朝康熙十年知府高夢說卽故址重建乾隆九年知府

陳世增重建

謝志府志

陳汪二賢祠在府學東祀宋陳康伯汪應辰

府志

二徐祠在府署後舊在東門祀明貴溪徐樾徐貞明

鄒明

元標記蓋信州貴溪有兩徐公其一為滇左轄死事贈
光祿卿徐公樾其二為前給事中尙書少卿兼監察御
史徐公貞明此二公皆人傑也光祿公少卿振趙新建
歸依秦州而學大明仕而學大行官左轄觀土酋那鑑
之不振也身先請纓目鋒鏑死無尸裹革有魂歸葬遐
方人士至今悲之少卿公幼稟水部家學為循良名令
官給事以護忠諫謫既起憂東南民力漕輓之困西北
水利當興胼胝內外者數年而未竟飲恨卒觀民儀
溺盡瘁而終海內人士至今悲之元標嘗待罪黔州一
日黔州士述光祿開講時聞鳥鳴問諸生問否諸生曰
聞既鳥聲息又問諸生曰不聞光祿語曰若是是以境
間不聞也元標惕然有省如侍函丈既接少宗伯孫文
恭乃公所造士口公教不忘而符卿在都門時元標得
接銅梁張太守張自塞上入掌大司馬曰瑞東聖賢中
品予曰何曰予親其曉夕柳風沐雨崎嶇泥濘捧芥中
者手不停指揮口不停畫諾而露處招提古廟饑餓者
為常予每一見之輒心折淚下二公元標得之聞且見
如此先是侍御安節吳公還朝請謚光祿公而元標謂
符卿意欲為國家開粒食之原其功未成其志可念宜
褒恤光祿諡不報符卿贈得旨而未行元標官念及信
州輒以世無有心人二公淹淹泉石矣天啟我邦丹陽
姜公以參知來署督學政顯微彰幽下台郡邑口舌聞
死勤事者祀勞定國者祀兩徐公一為封疆死一為國
計死又皆皓然不緇印不死宦績表表寰宇紀在太常

奈何以桑梓報此明禮報典非所以彰忠節樹來範乃
 捐家囊中金為倡郡守署常公覺署邑卜公充養各相
 金佐其成祠成命教官吳汝霖請鄒子為記鄒子曰公
 斯舉也蓋備救世之善物焉當光祿督欲滅賊時有公
 土臣利賊賂洩軍機於鑑有備而光祿公遂物符卿公
 聞傳御史下獄徒步護御史已偵者至問諸人以徐貞明
 獸散獨徐公曰聖朝無殺言臣禮上問諸人以徐貞明
 對人臣職在封疆則死封疆志在經綸則死經綸二公
 誠得死所矣回首受賂烏似散安在哉且光祿公不關
 師傳符卿公克承家學是可以興矣或謂光祿當沙戕深
 貪鄙也凡過二公祠者可以興矣或謂光祿當沙戕深
 謀不當輕身挑敵符卿議論鑿鑿施行未竟不知使六
 詔雄藩至今奸宄潛消光祿一死之力今歲輔粒食如
 東南恨無有人繼徐公志者誰之賜哉故廟祀鴻鳴暗
 於燕雀蹇蹇王臣短於宵人從古然矣非我參知其誰
 開萬古之眸而揭吾道之宗執黥參知功在斯文者不
 可世計矣是役也落成戊申之秋時則郡守張公履正
 邑令許公令典實率稱焉迎送二曲俾歌以祀月有光
 今鳳有翔坎坎擊鼓辰之長威武不屈楚臣鄉時不與
 我心孔傷下與濁世埒機槍為國深憂計且長奠桂酌
 今斟椒漿歌以迎神神稅駕雲為車兮風為馬靈剗剗
 今其雙下兒壘壘兮鸞鳴咭咭兮燕有既載德音
 今何秩秩風鏘鏘兮鳴鞞鞞兮赤心鼎貫天日用告虔
 今綸惟祭金奏瑯琊禮已備歌以送神神既崇永流洪

慶出無蹤唯所
駕今敗雲龍

國朝嘉慶閒移此

謝志
府志

夏文愍祠在城西太平坊祀明大學士夏言隆慶初賜
謚立祠詔有司春秋致祭

國朝康熙閒知府周鎬元重修

謝志
縣志
府志

昭忠祠一在府城隍廟右祀湖北陣亡千總李彪從祀
馬步兵吳廷元等十九名嘉慶八年奉部文建一在馬
王廟內祀咸豐三年城陷戰死兵丁一百十四名

府志
縣志

羅饒合祠在城內育嬰堂故址祀甯紹台道羅澤南浙
江提督饒廷選咸豐五六年澤南廷選先後統軍援廣
信七邑戴德請祠附祀副將畢定邦以下文武營官十

一人又先後陣歿弁丁楊敬如等九十名同治六年知

府鍾世楨建府志
縣志

蔡令祠在育嬰堂故址祀咸豐五年城陷殉難知縣蔡

中和奉

旨建專祠附祀府學教授雷封以下官幕營弁及家丁防勇共

一百十三名又附祀咸豐間先後守城戰死防勇十八

名同治七年知縣王恩溥建府志
縣志

節孝祠在縣學外西謝志
以上饒以

玉山縣社稷壇在城西二里謝志

先農壇在東門外謝志

神祇壇在城東一里謝志

厲壇在城北三里謝志

關帝廟在東門內舊在縣治東三思橋下

國朝康熙間知縣唐世徵重建乾隆五十六年知縣丁如

玉移建今所道光二十四年知縣汪道森修

謝志府志

文昌廟在治南道光三年建十六年知縣張兼山修咸

豐二年知縣姚繼緒增葺同治十年知縣黃壽祺重修

府志

城隍廟在縣治西舊在縣東北元季兵燬洪武初改建

今所宣德間知縣林岱擴之

國朝康熙間郭斯盛重建後彭天福余毓浩先後修葺嘉
慶十三年知縣陸翥鴻重建同治十年知縣黃壽祺修

謝志府志

昭烈廟在縣治後祀唐張汴宋紹興中敕封忠靖威顯

靈祐英濟王

汪應辰記按唐忠義傳張巡許遠守一州

名邀無考索後觀淮陰棄指亭記論始末乃知王諱

家於滑之白馬安祿山之亂巡遠提孤軍守雖陽未幾

城陷王等俱死之夢其家曰吾得請於帝令輔南嶽為

司祿事先是唐開元天寶中王累舉進士不第平生任

俠常袖舉金錘擊不平死守雖陽終始不渝巡遠之忠

義霽雲實讚成之霽雲之忠勇王實佑助之氣節有如

此者生為精忠之臣死被盛德之庇所在廟貌垂飛不

可縷數賜額昭烈則自政和乙巳始也後南安查仲正

等捐金塑像崇奉經年夢王命移他所乃載神像沿江

嶺而東卜皆不叶至玉山始得卜環邑士庶官吏迓奉

於邑之三山竊謂王之忠義三十六人知其功史佚其

傳不無遺憾然棄指之亭碑可考異代之蒸肯不絕豈

非天之所以報其忠邪然則勤事定國禦災捍忠王元

無愧於祀典矣茲廟既成爰記顛末以述其概云

至正改封護國忠靖威顯景祐真君賜額忠節

端明祠在縣治西祀宋汪文定應辰明萬厯九年改建

謝志

三忠合祠在城西社稷壇右

國朝康熙九年重建祀宋張叔夜鄧驥明鄧容

謝志縣志府志

國朝趙璘記忠節者何宋張忠文公叔夜及鄧威愍公驥是也廟祀者何宋守臣王道父請於朝為二公建立以祀者也三忠者何則永豐令鄧恭毅公容死鄧茂七之亂明景泰中奉檄合祀其開者也重修者何威愍公裔因燬復建建而復修俾守茲土者奉冠帶祀春秋於其內也張忠文當靖康之難全兵備汴宮闕成服其勢岌岌矣而獨能提南道之師千里赴援計殲敵眾壯矣哉所當必克而以廟算猶豫未就厥功及都城既陷廟援攘兵戈之閒而卒閉口絕食以死悲矣若威愍者以同州總卒拒城堅守抗如林之敵旅焚敵舟者千萬其計有足多者焉而又慷慨誓師遮蔽三秦以備巡幸孤軍晝夜待援而不至竟陷城亡與亡之義噫嘻是二公者蹇蹇王臣匪躬之故何厄之同也其請於朝而祀之也允宜若夫鄧公之死其事較小非與板蕩誠臣疾風勁草者等烈而究之見危授命殺身成仁其致一也則宜合而祀之以示夫人臣之大義為不可屈也嗟夫自宋迄明不知凡幾世矣自明迄今又不知凡幾世矣問嘗過玉山永豐諸邑里漠然徒見山高而水清欲問其事而遺老盡矣弔古者入廟歎歎疏冷古槐山河不改有悄然以悲者耳而況旋建之不一而足哉乃鄧氏之子孫獨能重輯其廟而更新之繞以周垣加以丹雘歲時蒸嘗之必虔而逮事張鄧二公於祠內可不謂賢

矣乎吾以是知三公者英風義氣凜凜不磨其昭回於
 古今身騎箕尾氣作山河不可以成敗論不可以松柏之有節
 焉而必不可以與天壤相倣可也後之守茲土者其敬聽之毋
 爭光而李紱書忠節錄後宋永豐張忠文公叔夜玉山鄭
 威愍公驤並以孤忠大節奉敕即墓為祠以祀張祠曰
 旌忠鄭祠曰愍節永豐玉山皆信州屬縣紹興三年信
 州守王自中始請為廟於兩縣通途之界合而祀之救
 合兩祀額稱為旌忠愍節之祠朱子為之碑記載大全
 集中雍正壬子歲威愍節二十世孫上舍生曰信來謁出
 所輯忠節錄請題其後錄首威愍節數朝既圯遷建王
 朱子以下廟記傳序之文其廟經歷數朝既圯遷建王
 山社稷壇右明永豐令鄧公容死鄧茂七年之亂因並祀
 焉鄭氏子孫世修崇之鄧公容死鄧茂七年之亂因並祀
 公世徵作記稱為三忠合祠余反覆思之鄭氏子孫不
 私其祖而並祀三君子天理人情之至也然忠義雖同
 而世次有先後名位有崇卑勳業有大小即祠祀之典
 奉敕與否亦有輕重張鄭二公先達在鄧令數百年前
 張公僉書樞密院事鄭公直融閣帥同州並沿河安撫
 使視縣令並闕絕張鄭二公鴻勳偉績列在宋史而鄧
 令一死之外無聞焉且旌忠愍節之祠宋高宗敕賜而
 朱子記之後人未可以綴改也若仍舊額祀張鄭二主
 南面而以鄧主西向耐食則先後有序崇卑有階賢德

之大小有等宋雖異代而救賜祠名不致裴越朱子大
文亦為無忝矣上舍生歸商之當事復其舊額庶其妥
乎又按張鄭二公宋史並有傳錄中未登因抄而與之
若鄧令死事明史無傳今既補食亦當訪其事實著於
焉篇末

太甲廟在安仁鄉祀太甲以伊尹配謝志有山名太甲故土

人立廟曰太甲

旌忠愍節祠在玉山順城鄉祀宋張忠文叔夜鄭威愍

驤知信州王自中奏建謝志宋朱子記紹熙三年十

幸得蒙恩剖符假守支郡視事之日考按圖牒竊見故

僉書樞密院事張忠文公叔夜故知同州事鄭威愍公

驤衣冠之藏皆在郡境蓋聞昔靖康之難敵騎長驅都

城危迫四面勤王之兵遂巡前卻莫有至者而忠文獨

以南道之師千里赴難軍鋒銳甚每戰必克乃以廟算

猶豫卒不能有成功而崎嶇顛沛之餘竭力致死猶以

焉必存宗社為己任事復不就則遂閉口絕食而以身殉

焉如威愍者獨以孤城憑卒嬰其乘勝焱銳之鋒蔽遮三

秦以備巡幸敵兵大至鄰援四絕知不能守而勇氣彌

勵誓必與郡共爲存亡城陷之日遂隕生而不悔是其
見危授命殺身成仁者足以無愧於人臣之義是以聖
朝痛悼衰郵屢加立廟賜名著在祀典蓋非獨以慰忠
魂於地下實以昭示萬世臣子忠義之大訓而吏情失
職修奉弗虔忠文雖得卽墓爲祠以嚴廟像然而僻在
永豐靈鷲深山之中旣無以侈上恩勵眾志至於城隍
葬祭在馮翊者道旣阻絕而其故鄉玉山東郭有墳無
廟則行路之人所爲愴惻而臣不佞尤竊懼焉謹已相
地兩縣之境通途之側出留州錢屬吏鳩工度爲雙廟
擬則巡遠庶幾有以揭虔妥靈表勸忠義仰稱建炎紹
興之遺旨謂宜假以光靈定其名號策書申命以昭無
極臣不勝大願敢昧死請事下禮部太常合議條奏咸
謂二臣之廟前已賜額宜因其故合而明之則詔禮官
議其以旌忠慈節之廟爲額於是尙書符郡主者施行
如章而王侯詔還矣始侯旣屬沒於玉山令芮立言永
豐令潘友文又以書來請銘於熹於是兩令課功作治
如法復使人來申致侯命熹旣樂道二公之事又重侯
請乃序而詩之侯廟成聲而刻焉王侯字道父永嘉人
自少魁梧有奇節嘗爲壽聖皇帝極陳當世之務壽皇
悅其言欲大用之而未及也是以爲政知所先務固宜
如此其詩曰皇皇后帝降衷下民君臣之義父子之仁
臣之事君策名委贊報主以死身豈遑恤若魚熊掌取
舍之間是孰使之其性則然林林之生就無此性利害
劫之或失其正文武張公沒命重圍擁孤弗遂視死如

歸侃侃公遙遙孤壘城亡與亡其節亦偉方時大變
眾潰如川二公相望砥柱屹然慷慨臨危一心如水質
全其天萬世不死招魂作主帝有闕書吏情不稱神明
弗居孰見孰聞孰嗟孰歎孰歎孰歎孰歎孰歎孰歎孰歎
命莫此新宮煌煌巨扁合舊增崇麗牲
有碑靖蟠龜負我其銘之過者必下

夏太保廟在招善鄉宋建炎初建相傳尚書夏夢龍其
仲氏也唐末登進士第徙居於信兄弟能禦寇既沒鄉

人祀之

謝志

靈順行祠在溪南其神爲周雄南宋人理宗時著靈異
封護國忠烈周宣靈侯祠址尙存

謝志

劉令祠在太平橋巡檢廨右道光十五年閩邑建祀知

縣劉有慶

縣志

節孝祠在縣學教諭署北

縣志 以上玉山

弋陽縣社稷壇在治西二里許昭烈廟左

府志

先農壇在縣治東關外雍正二年建道光十八年知縣

呂上沅修

謝志
縣志

神祇壇在治東二里

府志
志在西南
舊

厲壇在縣北一里許

府志

關帝廟在縣治西明萬厯間建

國朝康熙十六年修同治三年燬於寇九年修

謝志
縣志

文昌宮在城東書院前舊在城隍廟西嘉慶八年知縣

梁承雲倡建十八年知縣杜宏泰修咸豐元年移建

府志

志
縣

城隍廟在縣治西明洪武間建入

國朝迭次修葺同治二年復修

謝志
縣志

火神廟在市北上街康熙二十四年知縣譚瑄建嘉慶

九年重建二十四年修

府志

緒亭廟府志作在縣治後祀漢緒亭侯李恂謝志

謝徽明公祠在疊山書院左祀文節公從父今廢縣志

謝文節公祠在城內塔前嶺之東舊在治東二里明正

統開邑御史李奎疏建萬厯四年知縣程有守新之詹

用記先生既死義於燕京于定之奉喪還葬信州弋陽

城南元省臣為請於朝敕建祠以奉春秋高先生義也

祠屢敕有司屢葺之迄今儼甚而祀典幾至湮廢縣父

母程君甫下車謀構之未遑也會御史侯公行部過祠

下惻然傷之語君曰先生忠義推重今古矧在閭里而

使廟貌不嚴俎豆不飾如明祀何程君曰某也少讀先

生文慕先生年久幸在執事敢不祇厥事退率厥屬鳩

工築材撤先生年久幸在執事敢不祇厥事退率厥屬鳩

父以祭而屬不佞記其事余惟先生之學淵乎天人之

生之元光乎日月茲祠為足為先生重乃封比干之墓

表商容之閭先王以為政首豈非所以獎忠賢風後世

哉則予又烏容無言粵惟天地之正氣流行於兩間而

萃於聖賢豪傑之一身為臣死忠為子死孝千古寥寥

者豈非開氣所鍾曠世一值邪庸夫怯死烈士捐生而

生有重於泰山死有輕於鴻毛士固有不貴於徒死者矣易曰王臣蹇蹇匪躬之故先生不死安仁之疆而死燕邸之漠先生豈躬之恤而吝一死哉幼主在襁九十垂堂則其不死良有不可以遽死者矣迺聞關百折從容就義甘死如飴卒無難色為臣忠可死為子孝可死非草草徒死者昔人以先生之餓所以成其孤竹之節則古今之死誰如先生死哉余距先生三百餘年嗣其遺文尚能不使人興起而況立先生几杖之下侍先生俎豆之旁有不肅然敬穆然思乎詩云高山仰止景行行止先生之謂矣侯公為名御史直言正色有古人風所過先代忠賢輒表章之乃程君奉公檄風夜成之匪特修舉廢墜稱巨麗焉正氣之相為感孚於是乎可觀矣余與先生同邑私淑於茲且辱二君命為記其事幸以姓名託於義祠之側得依日月末光又豈偶然乎哉侯公名堯封別號復吾程君名有守別號梁潮云

國朝康熙間移建道光八年十八年修葺咸豐五年燬十

年知縣章永孚重建

謝志縣志

許真君祠在城隍廟右舊在東城高廟左道光二十九

年改疊山書院移建

縣志

昭烈廟在縣治西關外道光二十六年重修縣志

黃溥廟在縣北十里葛溪坂溥致仕歸施惠鄰里建上

葛坡灌田三萬畝鄉人感其德立祠祀之縣志

仙姑廟在縣北八十里仙湖邨邑人遇旱禱雨所縣志

節孝祠在學外東謝志以上弋陽

貴溪縣社稷壇在東門外舊在城西二里舊志作洪武

閒知縣馮子木建旋徙城北嘉靖閒遷今所縣志

先農壇在縣東門外知縣汪炎建謝志縣志

神祇壇在東門外謝志

厲壇在東門外舊志在西洪武閒知縣馮子木建縣志

關帝廟在西門外乾隆十年知縣彭之錦重修一在十

都金沙謝志府志縣志

文昌廟在文廟東

府志

城隍廟在縣治東山嶺舊在東門萬歷閒知縣顧起淹復徙今所

國朝康熙閒屢修雍正九年知縣汪炎重建乾隆七年知縣鄭之僑添建道光二年知縣陳驥重建同治八年重

修

謝志
縣志

龍神廟在北門倉西嶺

縣志

火神廟在縣城守營西

府志

鳴山廟在縣北二十五都祀晉孝子石敬純

謹案府志孝子父勤

佐石勒以同姓屬籍為兄弟號武王永和閒勒殺劉曜太子熙奔上邽命勤討之牛昌隱潛勒貳敵召而殺之并殺孝子兄八人母崔氏攜孝子走匿海上母卒孝子率故部曲起兵入鄴追昌隱於鄴陽之吉田手劍體解之沒而為唐賜名鳴山九郎廟

縣志

宋袁甫記紹定二年余持江右憲節是

秋盜起江右與信屬邑接傍官吏嚴提防盜伺閒迫貴
 溪境望見戈甲鏐錚旌旗照天盜怖而走時防守兵實
 不多民閒誰言有神助越明年冬余司臬事又明年春
 盜起衛之常山聲撼旁郡永玉兩邑民奔逃勿可禁余
 急集尉卒糾鄉豪募兵晝夜警衛檄郡守禦旋白於朝
 益以大軍扼衝要我軍少張然烏合眾滋屢窺兩邑卒
 憚莫前若有厄之者民閒又傳神助與往年實邑事相
 類余慨然嘆曰神人相依而行惟自鳴山之神以孝周
 天下縣晉迄今餘八百載為民祈禱靈應如響銷寇盜
 安善良功德茂焉天下之孝一也牛昌隱語言之禍王
 讐之不報不止今盜賊平人邱墓戕人父母離人妻孥
 燒人廬舍不知幾牛昌隱也民之警盜猶吾讐也忍坐
 視乎雪父讐孝也雪民讐孝之推也王孝於親推孝於
 民民亦致孝享於神余觀風部內至王之廟感愴從民
 命工飭材聿新祠宇及蒞工廟貌尊嚴制度恢張從民
 願也然則邑人所見戈甲鏐錚旌旗照天者曷信哉信
 乎民而已矣籍修之費與祀事之詳及夫程督之官若
 吏皆載於碑陰而此勿錄非略也神之病靈隨叩隨答
 水旱螟蝗癘疾之災禱而應者屢矣余四年閒目擊其
 事此而不錄況其他乎存秋常事不書復讐則書之王
 復讐著孝弭盜靖民誠有足大者
 他事不書而此獨書春秋法也

葉真君祠

舊作董從府志據李存仲記核秩官志攷正

在青山之陽失其名

謝志 府志 謝志原案酃陽李存仲祠記云真君能
致風雨役鬼神唐元宗拜鴻臚卿封越國公沒為神宋
崇甯間賜
號真君

威顯廟在縣南祀南唐信州靜邊總轄桂卿宋慶元間

賜額謝志謝枋得記公諱卿姓桂氏魯人季孫氏之

州太守始渡江而家焉公少武勇嗜書史及長尤通練

兵法仕南唐為大司空先是數平寇有戰功軍中號為

捉生虎子累官至銀青光祿大夫檢校國子祭酒兼監

察御史上柱國官遷信州靜邊總轄使時開越邊寇屢

肆侵掠驅虜男女民不聊生公至出奇兵芟刈叛逆緩

懷邊境故數郡民賴以安及後主即位加殿中侍御史

開寶甲戌國除公猶固守信州既而得後主手書論以

城降公泣謂麾下曰我輩既不能效死保我國家姑過

身選世可也遂躍馬歸貴溪隱焉我太祖皇帝嘉其賢

欲賜以爵累徵不起太平興國間闕寇復作朝廷詔公

討伐乃率師克邵武軍靜黃竹峒而賊遂平太宗拜為

都尉不就乃抗章力謝恬退之志甚格上亦莫能奪也

雍熙間又勅除寇孽郡邑山是奠枕淳化三年九月以

疾終救葬所居桂店之井坑里諡曰忠貞內翰番陽洪

公邁舊為之傳民愛保障而懷其德相與構祠祀之凡

縣部使者轉而上聞慶元二年敕賜威顯廟額侍郎曾
 文莊公漸為之記有曰公死生威能為民禦災捍患其
 忠烈之風不可泯如此咸淳三年大理寺卿黃公應龍
 復記新廟迄今鄉人子孔達祀之非食其德曷能享此
 枋得謹再拜述讚曰公顯於五季特起行伍屹為干城
 主任其忠民懷其德泊宋受命四方底定神器有歸孰
 不敬應公獨誓眾慷慨退藏深密不逞力以逆天不隨
 時以屈志而從容出處之際非知進退存亡而不失其
 正者能若是乎沒而復著禦災捍患之功血食是邦宜
 矣元揭侯斯詩忠烈名存死亦生更崇祀廟宅神靈
 不聞虎旅歸新主曾見龜趺臥舊銘王端貞心留汗簡
 武侯遺像付丹青巫陽莫奏江南曲春草萋萋尚忍聽

玉溪祠在東門外祀宋汪應辰

府志

昭烈廟在三十七都祀唐張洎

府志

謝文節公祠在東門內明萬厯閒知縣伍袁萃建以部

將張孝忠配額曰顯忠

國朝康熙閒重修乾隆十五年知縣華西植重建

蔣士銓詩橫梯

倒指偪孤城破堞倉皇尚募兵患難與人堅氣節興亡
 何地著功名麻衣痛哭諸陵改鐵鎖銷沈半壁傾三復

遺書悲初聘至咸豐閒燬同治九年重修府志
今心事日光明縣志

紫陽祠在城內雍正九年修建咸豐閒燬於兵今設主

梅花墩舊書院中府志
縣志

陸象山祠在三峯山下祀宋儒陸九淵原名象山書院

明初增祀九韶九齡爲三賢祠成化閒詔命重建萬厯

閒知縣吳繼京修其後裔孫奇觀重建謝志
縣志

先賢祠在上清鎮祀宋朱陸二子明初燬於兵

國朝乾隆閒修復縣志

節孝祠在東城內謝志
上貴溪以

鉛山縣社稷壇在縣西北二里府志

先農壇在縣東三里謝志

神祇壇在縣南二里謝志

厲壇在縣治東三里府志

關帝廟在縣署左舊志在縣西康熙二十年知縣潘士瑞重

建五十四年知縣施德涵修乾隆二十年知縣廖玠重

建咸豐七年燬於寇同治六年知縣馮蘭森重建縣志

文昌廟在忠義祠前府志

城隍廟在縣城東東洋橋外舊志在鵝湖鄉明洪武間建嘉靖

間修

國朝康熙十九年知縣潘士瑞重建雍正乾隆間修嘉慶

閒知縣王泉之修蔣士銓記按說文城以盛民也城池

以借備者一邑之神名號是憑其義為可通吾邑界閭

越之閒地土沃衍風俗淳樸人秀其義為可通吾邑界閭

所弛之為樸訥者安於耕鑿無桀鴞之習山川清美材

木竹箭藟然交蔭歲室中伏臘端祭俎豆報禮誠敬無

或神斯土者其彰瘝予奪較他邑自多簡逸其亦願而

樂之乎廟在東郊建於洪武三年時代屢遷興廢相嬗

規模之宏隘且數數焉易其制乾隆壬午之夏邑侯率
士庶重新之門若干楹堂殿兩廡若干楹雖氣象崇廣
遜於前代所記而神之嚴威儼格洋洋乎肅然昭格之
間者古今如一焉明年冬落成越二歲乙酉七月邑人
鑿石屬予記於戲吾邑盛衰之故神知之邑人之善惡
邪正惟神悉之神之靈爽昭然在天豈斤斤責備宮室
崇卑牲牢豐潔乎哉書曰儀不及物曰不享斯役也無
刑驅勢迫剋期集事是吾邑之人必有不容已於心者
乃踴躍赴功借答神貺於萬一則精誠感通神其享之
矣又何吐焉於戲山川落落然人民井里以恬以嬉或
有潛滋之茲賊陰憑之鬼域顯肆之蜂螫神必驅之以
獎吾民則衛民之名義可與高城深池同茲永庇矣爰
作迎神送神之曲神吾父母兮棲於幽宮赤子與居兮
靈宇攸崇靈旂來兮鼓逢逢踏神堂兮父老雍雍神歆
悅兮實能容保我黎民兮神其有終神職斯土兮送何
之餐祀成禮兮吾民退而神駕周巡兮民無怨言法令
弗及者神力是施曰城曰隍道光二十九年知縣李珣
義可思神吾父母兮聽此詞道光二十九年知縣李珣
重修縣志

火神廟在常平倉門左萬曆三十一年知縣吳一麟建

縣志

龍神廟在石井菴舊在二十五都萬厯三十五年大旱

鄉人禱雨有應今廢移建

縣志

伍員廟在縣治西北康熙二十二年知縣王廷對建

縣志

葛仙祠在永平鄉宋元祐七年建祀晉葛元元至正閒

塑像

國朝乾隆閒復建今圯附祀天王寺內

縣志

張巡祠在縣西二十里

謝志

昭烈廟在縣西祀唐張汴

謝志

稼軒先生祠在崇義鄉祀宋提點江西刑獄辛棄疾

謝志

赭亭廟在赭亭山祀漢赭亭侯李恂宋宣和閒建

謝志府志

志

鵞湖府君廟在鵞湖峯嶺宋淳熙閒建

府志縣志

四賢祠在縣南鷺湖寺旁祀朱呂二陸四先生宋守楊

汝礪建今改書院

謝志

張王廟在二十五都地名大王潭明成化間重建神姓王名崇唐昭宗時帥廬州以平淮南功封忠定侯自金

陵徙居汭川卒邑人立祠祀之

府志縣志

黃令生祠祀明知縣黃中嘉靖間建

府志

晏公廟在縣治西三里西關水口上祀元晏戍仔明隆

慶間建

國朝雍正間重建附祀前明知縣竄繼良

府志

劉之道祠在學署後祀邑人劉輝宋慶元五年吳紹古

重建今廢

府志

遺愛祠在縣西明嘉靖時知縣陳坦正德時知縣蔡鵬

霄開渠修隄民懷其惠並祀之

國朝乾隆三十年重修

府志

昭忠祠在東關外演武場左咸豐六年兵燬同治九年都司艾連陞重建祀嘉慶丙辰赴楚剿匪陷陣都司廣惠外委周廷棟千總葉振崧及兵丁十四人續祀咸豐間死粵寇都司吳廣生把總陳炳及兵丁十二人

府志

節婦祠在旁羅祀邑人傅岡妻祝氏

府志

節孝祠在南門內

謝志以上鉛山以

廣豐縣社稷壇在鶴山門外明洪武間縣丞陳膺建

國朝同治六年修

縣志

先農壇在松峯門外

縣志

神祇壇在安民門外明洪武間縣丞陳膺建

國朝同治六年修

縣志

厲壇在松峯門外

縣志

關帝廟在縣治西

舊作治東

乾隆十七年建

府志

文昌廟在縣治東

府志

城隍廟在縣治西元大德閒建明嘉靖閒重建萬厯閒

改創

謝志府志

火神廟在北門外明萬厯二十二年知縣李思敬重建

國朝嘉慶七年重修

府志

昭烈廟祀唐張汴

謝志

王有道先生祠在城西門外墓側祀唐校書郎王貞白

宋紹興閒知縣江震建明景泰閒知府姚堂重建

國朝康熙四十年知縣傅而保重修嘉慶十年知縣陳萬

里復修謝志

威信廟在將軍嶺宋紹興間建祀韓蘄王世忠謝志

忠節廟在縣治西明景泰間知縣杜贊建祀前令鄧容

謝志

張文忠公廟在縣治前右舊在治西祀宋張叔夜萬厯

二十二年知縣李思敬創建

國朝康熙間重建雍正四年知縣張聖訓移此謝志

胡太保廟在縣治西祀明廣信府同僉守胡德濟康熙

初年建道光二十年重修咸豐八年粵匪攻城效靈助

順巡撫沈葆楨奏間奉

旨賜靈祐封號知縣劉鍾洛修建縣志

節孝祠在東門內謝志以

上廣豐

興安縣社稷壇在城南一里謝志

先農壇在南門外謝志

神祇壇在城東南一里謝志

厲壇在城北一里謝志

關帝廟在縣治南舊載下十都順治二年燬知縣葉承祧重

建乾隆十六年知縣余成彪重修府志

文昌廟在岑陽書院前廳康熙間知縣曹學雋建府志

城隍廟在縣治南順治三年燬知縣葉承祧重建道光

十年復修謝志縣志

火神廟在龍神祠左縣志

龍神廟在城南道光十九年知縣張良志自南巖移建

同治四年知縣楊邦棟重建縣志

蕭公廟祀宋蕭天任在考棚前乾隆四十年重建同治

四年重修

縣志

三公祠在教諭署東嘉慶二十年建祀明知縣劉一貫
教諭周樸訓導詹標道光年間以教諭鄭夢蓮義士周

可貴配

縣志

節孝祠在文昌閣左

謝志

上興安